


左粹類纂

石





Digitized by the Internet Archive  
in 2021 with funding from  
University of Toronto



左粹類纂卷之二

吳會施仁編集

維揚孫應鰲批點

河東任養心校閱

諫諍

周無諫官非闕典也工得以箴諫瞽得以  
詩諫况卿大夫乎言路亦廣矣感格抹正  
之風養成之矣故雖幽厲以降上自王朝  
下逮侯國一有闕失諍言盈庭孰謂春秋  
無其人哉洩冶殺而陳遂以亡士貞賞而



晉不失霸是則萬世人君之法戒

○周

祭公謀父諫征犬戎

國語

○侯

文辭醇正耀德  
不觀兵為主腦  
終篇反覆不過  
此意歷叙后稷  
以及武王載述  
孫制以及征伐  
宋以大戎實之  
敷陳曲至

穆王將征犬戎祭公謀父諫曰不可先王耀德不觀示

兵夫兵戰而時動動則威觀則玩玩則無震懼是故周

文公旦之頌曰載戢干戈載櫜弓矢我求懿德肆于時

夏允王保之先王之於民也茂正其德而厚其性阜其

財求而利其器用明利害之鄉以文修之使務利而避

害懷德而畏威故能保世以滋大昔我先世后稷以服

事虞夏棄為舜后稷不  
齒繼之於夏及夏之衰也棄稷弗務太康廢  
稷之官





勤恤民隱而除其害便是耀德

不復務農我先王不窋用失其官而自窋于戎翟之間棄于

邵至不窋失官去夏遷於邠不敢怠業時序其德纂修其緒修其訓

典朝夕恪勤守以惇篤奉以忠信奕世載德不忝前人

至于武王昭前之光明而加之以慈和事神保民莫不

欣喜商王帝辛大惡於民庶民弗忍欣戴武王以致戎

于牧是先王非務武也勤恤民隱而除其害也夫先王

之制邦內甸服周制九服甸服在侯服外而此曰邦內者商制并王畿為五服祭公蓋以古名

言也周禮以蠻服為邦外侯服方五侯衛賓服總言之

要服亦足以相况男采衛凡五圻圻各五蠻夷要服衛圻之外曰蠻圻去

百里常以服貢賓於王圻去王城四千里要戎翟荒服去王城四千五百里為

者要結好信而服之鎮圻五千里為藩圻在



九州外荒裔之地與甸服者祭侯服者祀賓服者享禮

戎翟同俗故謂之荒甸服者祭侯服者祀賓服者享禮

一見衛圻一見甸圻二歲一見男圻三歲一見采圻四歲

川如犧牲絲象尊彝玄要服者貢要服六歲一荒服者

纁之屬不在常貢之數要服者貢見因朝而貢荒服者

王三九州外蕃國世一見各以其所貴珪為贊蓋夷鎮藩

日祭月祀時享歲貢時享二祧歲貢壇墠於祭法畧相

表裏與周禮殊不合漢法日祭於寢月祭於廟時祭於

便殿亦類此竊恐歲貢不專指祭言御下云終王可見

終王垂終先王之訓也有不祭無貢以則修意責有不

祀則修言號有不享則修文法典有不貢則修名尊卑職

號有不王則修德德序成而有不至則修刑已上五者

而有不至於是乎有刑不祭伐不祀征不享讓不貢告

則明明刑

則明明刑

脩文脩名亦耀德也



卷一

不王於是乎有刑罰之辟有攻伐之兵有征討之備有

威讓之令有文告之辭布令陳辭而又不至則又增修

於德無勤民於遠是以近無不聽遠無不服今自大畢

伯仕犬戎二君之終也犬戎氏以其職來王嗣子以貴天子

曰予必以不享征之且觀之兵其無乃廢先王之訓而

王幾頓乎危敗吾聞夫犬戎樹惇立性淳朴能帥舊德而守終

純固循舊德奉常職以終其身其有以禦我矣王不聽

遂征之得四白狼四白鹿以歸自是荒服者不至

召虎諫監謗國語

厲王虐國人謗王召公虎告王曰民不堪命矣王怒得



卷之

天子聽政一段  
自是本理而首  
以川譬之後以  
山川原隰衍沃  
譬之各極旨趣

衛巫使監謗者以告則殺之國人莫敢言道路以目王  
喜告召公曰吾能弭謗矣乃不敢言召公曰是韜之也  
防民之口甚於防川川壅而潰傷人必多民亦如之是  
故為川決之使導為民者宣之使言故天子聽政使公  
卿至於列士獻詩瞽獻典史獻書師箴小師刺王闕瞽  
賦無眸子曰瞽賦公矇誦有眸子而無見曰矇主弦歌風誦百工諫執  
事以諫庶人傳語卑賤不得達近臣盡規驂僕親戚補察  
補過察政瞽史教誨大師大史掌陰陽耆艾修之師傅修理  
以聞而後王斟酌焉是以事行而不悖民之有口也猶土  
之有山川也財用於是乎出猶其有原隰衍沃也廣平



下濕曰隰下平衣食於是乎生口之宣言也善敗於是  
日衍有溉曰沃乎興行善而備敗所以阜財用衣食者也夫民慮之於  
心而宣之於口成而行之胡可壅也若壅其口其與能  
幾何言不王弗聽於是國人莫敢出言三年乃流王於  
彘

號文公諫不藉田 國語

宣王即位不藉于畝天子田千畝號文公諫曰不可夫

民之大事在農上帝之粢盛於是乎出民之蕃庶於是

乎生事之共給於是乎在和協輯睦於是乎興財用蕃

殖於是乎始敦龐純固於是乎成是故稷爲大官古者

上帝粢盛六句  
見大事在農稷  
爲大官以下正



大史順時覘土陽瘳憤盈土氣震發陽氣厚積以滿而動農祥晨

正農祥房星也晨正謂立春之日晨中於午也日卜底于天廟孟春日月土皆在營室

乃脉發先時九日立春前大史告稷曰自今至于初吉二月

朔陽氣俱烝土膏其動弗震弗渝脉其滿膏穀乃不殖

陽升土動當即發洩其氣不然則脉滿氣結反為害矣稷以告王曰史帥陽官以

命我司事曰距今九日土其俱動王其祗敬敬除監農

不易不更土宜王乃使司徒咸戒公卿百吏庶民司空除壇

于藉命農大夫咸戒農用田器先時五日田器警告有協風至

王即齊宮百官御事各即其齊三日王乃淳濯沐浴饗醴

及期鬱人薦鬯犧人薦醴王裸鬯饗醴潔乃行百吏庶



民畢從及藉后稷監之膳夫農正陳藉禮祭神大史贊王

王敬從之王耕一墾王無耦以耜耕班三之下於上其次各三公三卿九大夫

夫二庶人終于千畝其后稷省功大史監之司徒省民

太師監之畢宰夫陳饗膳宰監之膳夫贊王王歆大牢

班嘗之公卿大夫庶人終食是日也瞽帥音官以省風土以音

律省風土氣和則土氣養廩于藉東南鍾而藏之取生長之氣而時布之

于農稷則徧戒百姓紀農協功曰陰陽分布日夜震雷

出滯蟄土不備墾辟在司寇治以罪乃命其旅衆曰徇行

農師一之先農正再之后稷三之司空四之司徒五之

大保六之大師七之大史八之宗伯九之以次而行王則大



徇帥公卿大夫親行

耨穫亦如之。民用莫不震動，恪恭于農，修

其疆畔，日服其鏹，不懈于時，財用不乏，民用和同。是時

也。王事唯農是務，無有求利於其官以干農功。

變易後使以亂

農事三時務農，而一時講武，故征則有威，守則有財。若是

乃能媚於神而和於民矣。則享祀時至而布施優裕也。

今天子欲修先王之緒而棄其大功，置神之祀而困民

之財，將何以求福用民？王弗聽。

仲山甫諫立魯戲

國語

魯武公以括與戲

子二

見王，王立戲

為太子

樊仲山父

食采於樊

諫曰：不可立也。不順必犯。

立少魯必犯命不從

犯王命，必誅。故出



自誅王命警策  
深至

治民之官各盡  
其職而後民生  
可殖故引司民  
以下告之

令不可不順也令之不行政之不立行而不順民將棄  
上夫下事上少事長所以為順也今天子立諸侯而建  
其少是教逆也若魯從之而諸侯倣之王命將有所墜  
若不從而誅之是自誅王命也是事也誅亦失不誅亦  
失天子其圖之王卒立之武公卒戲立是為懿公魯人  
殺之立括宣王伐魯立孝公  
稱

仲山甫諫料民 國語

宣王既喪南國之師敗于姜戎乃料數民于太原仲山父諫

曰民不可料也夫古者不料民而知其少多司民協孤  
終司民掌登萬民之數自生齒以上皆書于版協  
終合也無父曰孤終死也合其名籍以登于王  
司商



協名姓

司商掌賜族受姓之官商金聲清謂人始生吹律合之定其姓名

司徒協旅師

旅之

司寇協姦

合姦民以知死刑之數

牧協職

牧人掌牧犧牲工合其物色之數

協革

工百工之官革更也更制度者合其數

場協人

場人掌場圃委積之珍物歛而藏之廩

協出

廩人掌九穀出用之數

是則少多死生出入往來者皆可知

也於是乎又審之以事

因藉田與民狩以簡知其數

王治農於藉

蒐于農隙

春田曰蒐農隙仲春既耕之後

釋穫亦於藉

王親至藉考課獮於既

烝

秋田曰獮烝升也月令孟秋乃升穀天子嘗新既升謂仲秋也

狩於畢時

冬田曰狩畢時時務

是皆習民數者也又何料焉不謂其少而大料之是

示少而惡事也

厭政而不能修

臨政示少諸侯避之治民惡事

無以賦令且無故而料民天之所惡也害於政而妨於

治民之事各得

其理而後民業

可興故引治農

於籍以下告之

示少惡事正見

不可料處



家

總原封建

引揚詩旨

後嗣王卒料之

○富辰諫用狄師

左傳僖公二十四年

王襄

將以狄伐鄭

以伐滑故

富辰諫曰不可

臣聞之太

上以

德撫民其次親親以相及也

昔周公弔二叔之不咸

夏

商叔世疏親戚以至於亡

故封建親戚以蕃屏周管蔡邶霍魯衛毛

聃邠雍曹滕畢原酆郇文之昭也邠晉應韓武之穆也

凡蔣刑茅胙祭周公之胤也召穆公思周德之不類

善

故糾合宗族于成周而作詩曰棠棣之華鄂不韡韡凡

今之人莫如兄弟其四章曰兄弟閱于牆外禦其侮如

是則兄弟雖有小忿不廢懿親今天子不忍小忿以棄



兩舉鄭伙文勢  
照應

蔡明詩趣

同德既衰以下  
總領一篇

鄭親其若之何庸勲親親暱近親尊賢德之大者也即  
聳從昧與頑用嚚姦之大者也棄德崇姦禍之大者也  
鄭有平惠之勲平王東遷武公捍之又有厲宣之親鄭始  
祖桓公友厲王弟棄嬖寵殺嬖臣申侯而用三良叔詹堵  
之子宣王之弟棄嬖寵寵子子華於諸姬為近四德具矣耳不聽五聲之和為聳目不別  
五色之章為昧心不則德義之經為頑口不道忠信之  
言為嚚狄皆則之四姦具矣周之有懿德也猶曰莫如  
兄弟故封建之其懷柔天下也猶懼有外侮扞禦侮者  
莫如親親故以親屏周召穆公亦云詩作今周德既衰於  
是乎又渝周召變二公以從諸姦無乃不可乎民未忘



○  
家

利之内外以  
明禍福

禍謂子頹叔帶之亂王又興之其若文武何王弗聽

富辰諫后狄女國語 左傳僖公二十四年

王使頹叔桃子出狄師伐鄭取櫟王德狄人將以其女

隗氏為后富辰諫曰不可夫婚姻禍福之階也利内則福

由之利外則取禍今王外利矣樹利於翟其無乃階禍乎昔

摯疇之國也由大任摯疇二國任姓大任之家也杞繒

由大妣杞繒二國妣姓大妣之家也齊許申呂由大姜

四國皆姜姓大姜之家也陳由大姬大姬周武王之女以配胡公而封陳

是皆能内利親親者也昔鄆之亡也由仲任仲任氏之女為鄆夫

武公所滅人鄆為鄭密須由伯姑密須為文王所滅鄆由叔妘鄆



姓之國叔姁同姓之女為鄆夫人亦鄆滅之聃由鄭姬聃姬姓國鄭女為聃夫人息由陳

嬌侯稱息嬌於楚子楚遂滅息鄧由楚曼楚曼為武

王夫人生文王過鄧羅由季姬羅熊姓國季姬姬氏之女為羅夫人廬由

而利其國遂滅鄧廬嬌姓國制嬌是皆外利離親者也王曰利何如

而內何如而外對曰尊貴明賢庸勲長老愛親禮新親

舊則民莫不審固其心力以役上令官不易方而財不

匱竭求無不至動無不濟百姓官有世功受氏姓者兆民夫人奉

利而歸諸上是利之內也若七德離判謂尊貴至親舊民乃攜

貳各以利退利其身而退自營上求不暨是其外利也夫翟無

列於王室鄭伯南也南服之伯王而卑之是不尊貴也翟豸

即利內利外之實以申明禍福其言翟亦詳矣



懟到若此何不  
悟也

報施德怨四句  
可鑒千古

狼之德也鄭未失周典王而蔑之是不明賢也平桓莊

惠皆受鄭勞

平王東遷鄭武公捍之桓王立鄭莊公佐之惠王奔鄭鄭厲公納之

王而棄

之是不庸勲也鄭伯捷之齒長矣王而弱之是不長老

也翟隗姓也鄭出自宣王王而虐之是不愛親也夫禮

新不間舊王以翟女間姜任

姜氏任氏之女世爲王妃

非禮且棄舊

也王一舉而棄七德臣故曰利外矣書有之曰必有忍

也若能濟也王不忍小忿而棄鄭又登叔隗以階翟

階翟

翟封豕豺狼也不可厭也

語

臣聞之曰報者倦矣

施者未厭狄固貪怵

殺人而取其利曰怵

王又啓之女德無極婦

怨無終

婦女之志近之則不知止遠之則怨不已

狄必爲患王又弗聽其昭



公惠王子帶也以不得立奔齊富辰請王復之食邑於甘通於隗氏王替隗氏頽

叔桃子遂奉大叔帶以狄師攻王王出適鄭傳呂氏曰

伐鄭富辰固諫之襄王召子帶富辰實導之能見狄之禍而不見子帶之禍世皆悔富辰導子帶之失也使襄王納其諫而不與狄通則子帶何自而成其惡乎唐之回紇晉之契丹始借其力終罹其患彼二國者亦豈有子帶之釁召之然耶為襄王者當以與狄通為悔不當以召子帶為悔也

王孫說諫賜魯使國語

魯成公來朝使叔孫僑如先聘且告將見王孫說與之

語說言於王簡曰魯叔孫之來也必有異焉其享觀之

幣薄而言諂始請之也若請之必欲賜也魯執政唯強

故不歡焉而後遣之執政唯畏其強難距其欲故不悅而遣之且其狀方上



議論中正

讀

而銳下且觸冒人王其勿賜於陵之人來而盈其願  
是不賞善也且財不給故聖人之施舍也議之其喜怒  
取子也亦議之是以不主寬惠亦不主猛毅主德義而  
已謂賞罰當王曰諾使私問諸魯請之也王遂不賜禮如行  
人

○世子晉諫壅川

國語

穀洛聞

穀水在王城之北洛水在王城之南靈王二十二年穀水盛出於王城之西而南流合於洛有

似於

將毀王宮王欲壅之太子晉諫曰不可晉聞古之

長民者不墮山不崇數不防川不竇澤夫山土之聚也

數物之歸也川氣之導也澤水之鍾也夫天地成而聚



禹共工鯀禹以  
教下怕淫之失  
忘信之得

於高歸物於下疏爲川谷以導其氣陂唐汚庫以鍾其

美是故聚不隤崩

大曰崩小曰隤

而物有所歸氣不沈滯而亦

不散越是以民生有財用而死有所葬然則無天昏札

瘥之憂而無饑寒乏匱之患故上下能相固以待不虞

古之聖王唯此之慎○昔共工棄此道也虞于湛樂淫失

其身欲壅防百川墮高

山陵堙庫

澤池以害天下皇天弗福

庶民弗助禍亂並興共工用滅其在有虞有密伯鯀播

其淫心○稱遂共工之過

水

堯用殛之于羽山其後伯

禹念前之非度釐改制量象物天地比類百則儀之于

民而度之于羣生共之從孫四岳佐之高高下下疏川



道滯鍾水豐物封崇九山決汨九川陂障九澤豐殖九

藪汨越九原宅居九隩合通四海故天無伏陰夏之地

無散陽李梅冬實水無沈氣瘴塞火無災燿起神無間行淫厲

民無淫心時無逆數寒暑反逆物無害生蝗螟之屬帥象禹之功

度之于軌儀莫非嘉績克厭帝心上合于天皇天嘉之胙以

天下賜姓曰姒氏曰有夏謂其能以嘉祉殷富生物也

姒猶祉也夏大也以善胙四岳國命為侯伯賜姓曰姜

氏曰有呂謂其能為禹股肱心膂以養物豐民人也堯

四岳佐禹有功卦於此一王四伯豈繫是多寵皆亡王

之後亡王云者禹鯀之子禹郊鯀而追王之四岳其工從孫共工侵陵諸侯而自王皆以無道而亡禹岳



之典非因之也唯能釐舉嘉義以有胤在下守祀不替其典有

夏雖衰杞鄫猶在申呂雖衰齊許猶在唯有嘉功以命

姓受杞迄于天下及其失之也必有愒慢淫之心間之

故亡其氏姓踣弊不振絕後無主無祭主堙替隸圉夫亡

者豈繫無寵皆黃炎之後也伯鯀黃帝之後共工炎帝之後唯不帥天

地之度不順四時之序不度民神之義不儀生物之則

以殄滅無胤至于今不祀及其得之也必有忠信之心

間之度於天地而順於時動和於民神而儀於物則故

高朗令終顯融昭明命姓受氏而附之以令名若啟先

王之遺訓省其典圖刑法而觀其廢興者皆可知也其

獻上啟下換節



興者必有夏呂之功焉其廢者必有其繇之敗焉今吾

執政無乃實有所避違而滑亂夫二川之神使至於爭

明精氣以妨王宮王而節之無乃不可乎人有言曰無過

亂人之門其怒又曰佐雖者害焉雖烹煎之官佐闔者傷焉

又曰禍不好不能為禍詩曰四牡騤騤旗旐有翩亂生

不夷靡國不泯又曰民之貪亂寧為荼毒夫見亂而不

惕所殘必多其飾彌章民有怨亂猶不可遏而况神乎

王將防闔川以飾官是飾亂而佐闔也其無乃章禍且

遇傷乎自我先王厲宣幽平而貪天禍至於今未弭厲暴

虐而流宣不務農而料民幽昏亂我又章之懼長及子



孫王室其愈卑乎其若之何自后稷以來寧亂

堯時洪水汜濫

黎民阻飢稷播百穀民用乂安

及文武成康而僅克安民自后稷之始

基靖民十五王而文始平之

基始也靖安也自后稷播百谷以始安民凡十五王

世修其德至文王乃平民受命也十五王謂后稷不窾鞠陶公劉慶節皇僕差弗毀偷公非高圉亞圉公祖大

王王季文王也

十八王而康克安之

加武成康是為十八王

其難也如是

厲始革典十四王矣

革更也典法也十四王謂厲宣幽平桓嚴僖惠襄頤匡定簡

德十五而始平基禍十五

至景王十五世

其不濟乎吾朝夕敬

懼曰其何德之修而少光王室以逆

迎

天休王又重禍

禍亂將何以堪之王無亦鑒于黎苗之王下及夏商之

季

少皞氏衰九黎亂德顓頊滅之高辛氏衰三苗亂堯誅之夏桀商紂湯武滅之

上不象天而



此正所謂省其  
典圖刑法而廢  
與可知以足興  
者皆亡王之後  
亡者皆黃炎之  
後光影應照

下不儀地中不和民而方不順時不共神祇而茂棄五

則

象天儀地和民  
順時共神也

是以人夷其宗廟而火焚其彝器子

孫爲隸下夷於民而亦未觀夫前哲令德之則則此五

者而受天之豐福饗民之勲力子孫豐厚令聞不忘是

皆天子之所知也天所崇之子孫或在畎畝由欲亂民

也畎畝之人或在社稷由欲靖民也無有異焉

唯所詩  
行

云殷鑒不遠近在夏后之世將焉用飾官以徼亂也度

之天神則非祥也比之地物則非義也類之民則則非

仁也方之時動則非順也咨之前訓則非正也觀之詩

書與民之憲言皆亡王之爲也上下儀之無所比度王



其圖之夫事大不從象象天大小不從文詩上非天刑下非地德中非民則方非時動而作之者必不節矣作又不節害之道也王卒壅之

讀

○單旗諫鑄錢國語

景王將鑄大錢單穆公

旗曰

不可古者天災降戾

至於

是乎量資幣權輕重以振救民民患輕幣輕物貴則為之作

重幣以行之於是乎有母權子而行

重曰子以子貿物物輕則子

獨行物重則以母權而行

民皆得焉若不堪重

幣重物輕則多作輕而行

之亦不廢重於是乎有子權母而行

母不足則以子平而行之

小大

利之

錢有大小民皆以為利

今王廢輕而作重民失其資能無匱

歟陳離民剗切



後世敗亡何有  
不罹此者

文極頓挫

卅原之喻最是

乎若匱王用將有所乏乏則將厚取於民民不給將有  
遠志逃是離民也且夫備有未至而設之有至而後救  
之是不相入也一先可先而不備謂之怠可後而先之  
謂之召災周固羸國也天未厭禍焉而又離民以佐災  
無乃不可乎將民之與處而離之將災是備禦而召之  
則何以經國國無經何以出令令之不從上之患也故  
聖王樹德於民以除之夏書有之曰關石和鈞王府則  
有詩亦有之曰瞻彼旱麓榛楛濟濟愷悌君子千祿愷  
悌夫旱麓之榛楛殖故君子得以易樂千祿焉若夫山  
林匱竭林麓散亡藪澤肆既民力彫盡田疇荒蕪資用



災備急弄一言  
更不須多責

乏匱。君子將險。哀之不暇。而何易樂之有焉。且絕民用。  
費小錢以鑄大以實王府。猶塞川原而為橫污也。其竭也無日  
矣。若民離而財匱。災至而備亡。王其若之何。吾周官之  
於災備也。其所怠棄者多矣。而又奪之資以益其災。是  
去其藏。君之富而驟其人也。王其圖之。王弗聽。卒鑄大  
錢。藏於民

單旗諫鑄鐘 國語

王景將鑄無射而為之大林。無射鐘名大林鐘之覆也作無射而以大林覆之

單穆公曰。不可。作重幣以絕民資。又鑄大鐘以鮮其繼。

若積聚既喪。錢廢小又鮮其繼生。財何以殖。且夫鐘不過



其何其  
要以此  
之機  
之本原  
文奇

以動聲

先以金矣而八音從之

若無射有林耳不及也

無射陽聲之細者大

林陰聲之大者細抑大陵難乎聽

夫鐘聲以為耳也耳所不及非鐘聲

也猶目所不見不可以為目也夫目之察度也不過步

武尺寸之間

六尺為步半步為武

其察色也不過墨丈尋常之間

五尺為墨倍墨為丈八尺為尋倍尋為常

耳之察和也在清濁之間其察清

濁也不過一人之所勝

舉是故先王之制鐘也大不出

鈞

鈞所以鈞音之法也以木長七尺有弦繫之以為鈞法

重不過石

百二十斤

律度量

衡於是乎生小大器用於是乎出故聖人慎之今王作

鐘也聽之弗及

不知清濁

比之不度

鈞石

鐘聲不可以知和

制度不可以出節無益於樂而鮮民財將焉用之夫樂



此骨子樂之本  
原在此

論且文跌宕

不過以聽耳而美不過以觀目若聽樂而震觀美而眩  
患莫甚焉夫耳目心之樞機也故必聽和而視正聽和  
則聰視正則明聰則言聽明則德昭聽言昭德則能思  
慮純固以言德於民民歆而德之則歸心焉上德民心  
以殖義方是以作無不濟求無不獲然則能樂夫耳內  
和聲而口出美言以爲憲令而布諸民正之以度量民  
以心力從之不倦成事不貳變樂之至也口內味而耳  
內聲聲味生氣氣在口爲言在山爲明言以信名審號  
明以時動名以成政動以殖生政成生殖樂之至也若  
視聽不和而有震眩則味入不精不精則氣佚氣佚則



此皆樂之本原  
為精美

○  
後

森列修貫

不和於是乎有狂悖之言有眩惑之明謂說子朝有轉  
易之名有過慝之度謂嬖子配適出令不信刑政放紛  
動不順時民無據依不知所為各有離心上失其民作  
則不濟求則不獲其何以能樂三年之中而有離民之  
器二焉鑄大錢國其危哉王弗聽卒鑄大鐘

○魯

臧僖伯諫觀魚

左傳隱公五年

公隱

將如棠觀魚者臧僖伯

強

諫曰凡物不足以講大

事其材不足以備器用則君不舉焉君將納民於軌物  
者也故講事以度軌量謂之軌取材以章物采謂之物



不軌舉動無度不物上下無章謂之亂政亂政亟行所以敗也故

春蒐擇取不孕者夏苗除害苗者秋獮取殺為名冬狩圍守也冬物畢成獲

則取之無皆於農隙以講事也三年而治兵入而振旅

三年一大習出治其歸而飲至以數軍實飲于廟以數車徒器械及

所獲也昭文章車服旌旗明貴賤貴者先殺辨等列行伍順少長出則少者

在前入習威儀也鳥獸之肉不登於俎供祭者皮革齒

牙骨角毛羽不登於器飾器者則君不射古之制也若

夫山林川澤之實器用之資阜隸之事官司之守非君

所及也公曰吾將畧巡地焉遂往陳魚大設捕魚之備而觀之

僖伯稱疾不從僖伯卒公曰叔父有憾於寡人謂不從其諫

胡氏謂公不忘忠而不能聽言與郭公善善而不用至於亡國一也此論固是僖公猶能加



傷伯之葬手既沒其與后之英主其於遺直既死而即停婚仆碑者異矣聽言之難用言之難

後

寡人不敢忘葬之加一等胡氏曰隱公慢棄國政遠事逸遊僖伯之忠言不見納亦

已矣又從而為之辭是縱欲而不能自克之以禮也僖伯稱疾不從可謂忠臣矣葬之加一等夫是之謂稱然

公不敢忘其忠而不能聽其言與郭公善善而不能用於亡國一也其及宜矣

臧哀伯諫納宋鼎

左傳桓公二年

取郕大鼎于宋納于太廟宋華督弑殤公以前所取郕部之鼎行賂魯桓公受之臧

哀伯達諫曰君人者將昭德塞違邪以臨照百官猶懼

或失之故昭令德以示子孫是以清廟茅屋大路祀天車

越席結草為之大羹不致和五味粢食不鑿石春八斗昭其儉也衮

冕黻珽衮衣九章冕冠也蔽蔽膝也珽玉笏也帶裳幅舄帶革帶裳下衣幅束其脛所謂

行滕舄復履也衡紕紕紕衡維冠者統冠之垂者紕纓從上而上者紕冠上覆者昭其度



也藻率韞韞藻率以韞為之所藉王也佩鑿厲游纓

鑿大帶厲帶之垂者游旗昭其數也火龍黼黻裳之飾

昭其文也五色比象車服械噐之色象天昭其物也錫

鸞和鈴四者皆鈴之類錫在馬額昭其聲也三辰旂旗

畫日月昭其明也夫德儉而有度登降有數文物以紀

之聲明以發之以臨照百官百官於是乎戒懼而不敢

易紀律今滅德立違謂立而寘其賂噐於大廟以明示

百官百官象之其又何誅焉不可也國家之敗由官邪也官之

失德寵賂章也郃鼎在廟章孰甚焉武王克商遷九鼎

于維邑義士猶或非之而况將昭違亂之賂噐於大廟

原本之論



不可三也

其若之何。公不聽。周內史聞之曰：「滅孫達，其有後於魯。」

乎？君違，不忘諫之以德。呂氏曰：哀伯，郕之諫忠諫也。君子不謂之忠，以其所告者威

耳公

○曹劌諫如齊觀社國語

莊公如齊觀社。因祀社蒐軍實曹劌諫曰：「不可。夫禮所以正民

也是故先王制諸侯，使五年四王，一相朝也。五年之間四聘於王

而一相朝終則講於會，以正班爵之義。帥長幼之序，訓上下

之，則制財用之節。其間無由荒怠。夫齊棄大公之法，而

觀民於社，君為是舉而往觀之，非故業也。何以訓民？土

發而社助時也。春分祭社助時求福為農始也收牆而烝，納要也。擗拾也冬



卷一

上師而有此諫  
視後身都承輔  
至導啟為之當  
何如者

句句字字蒼翠  
可述

祭社以納五穀之要休農夫也今齊社而往觀旅非先王之訓也天子

祀上帝天諸侯會之受命焉諸侯祀先王如宋祖帝乙鄭祖厲王

先公君先卿大夫佐之受事焉臣不聞諸侯之相會祀也

祀又不法君舉必書書而不法後嗣何觀公不聽遂如

齊

匠師慶諫丹楹刻桷國語

莊公丹栢宮之楹而刻其桷將逆夫人姜氏故匠師慶御孫為掌匠大

夫慶其名言於公曰臣聞聖王公之先封者遺後之人法使

無陷於惡其為後世昭前之令聞也使長監於世觀成敗以

戒故能攝固不解以久攝持也解怠也今先君儉而君侈之日傳



儉德之共也侈惡之大也先君有令德替矣公曰吾屬共德而君納諸大惡無乃不可乎適欲美之對曰無益於君而替前之令德臣故曰庶可以已乎公弗聽

夏父展諫男女同贄國語

哀姜至

莊公夫人

公使大夫宗婦覲用幣

禮夫人至大夫郊迎明日執贄以見

宗婦大夫之妻也

宗人夏父展曰非故也公曰君作故

君所作則為故

事

對曰君作而順則故之逆則亦書其逆也臣從有司

備位禮官

懼逆之書於後也故不敢不告夫婦贄不過棗栗

以告虔也

棗取早起栗取戰栗皆所以示敬也

男則玉帛禽鳥以章物也

公執桓圭侯執信圭伯執躬圭子執穀璧男執蒲璧孤執皮幣卿執羔大夫執鴈士執雉庶人執鶩工商執鷄



字即長讀  
不過  
修城郭何與於  
早此則興工作  
以資食役之意  
後亦有行之者  
吳又可備不虞

以明尊卑異物也。內傳御孫曰：男贄大者玉帛，小者禽鳥，以章物也。女贄不過榛栗棗修，以告虔也。今婦執幣是男女無別也。男女之別，國之大節，也不可無也。公弗聽。

臧孫辰諫焚巫尪

左傳僖公二十一年

僖公二十一年夏大旱，公欲焚巫尪。

巫女巫也。尪，瘠人面向上者，以巫禱。

雨不驗，尪亦致旱，故欲并焚之。

臧文仲

辰

曰：非旱備也。修城郭，貶食省

用，務穡勸分，此其務也。巫尪何為？天欲殺之，則如勿生。

若能為旱焚之，滋甚。公從之。是歲也，饑而不害。

成風請復須句

左傳僖公二十一年

邾人滅須句。須句子來奔，因成風也。

僖公之母風，成風姓須句之女。



索

論

為之言於公曰崇明祀須句子者乃伏羲之後也實保  
 小寡周禮也蠻夷司大皞與有濟之祀故云蠻夷近諸戎雜用周禍也若封須  
 句是崇皞濟而修祀紓禍也公伐邾取須句反復其君  
 焉

臧孫辰諫不備邾

左傳僖公二十二年

邾人以須句故出師公卑邾不設備而禦之臧文仲曰  
 國無小不可易也無備雖眾不可恃也詩云戰戰兢兢  
 如臨深淵如履薄冰又曰敬之敬之天惟顯思命不易  
 哉先王之明德猶無不難也無不懼也况我小國乎君  
 其無謂邾小蜂蠆有毒而况國乎弗聽及邾師戰于升



上

陰我師敗績邾人獲公胄縣諸魚門邾城

臧孫辰請求晉釋衛侯國語

晉人執衛成公歸之于周成公恃楚不事晉又殺叔武其臣元咺訴之晉文公執之

使醫鳩之不死衛俞偵醫使薄其鳩得不死醫亦不誅臧文仲言於

僖公曰夫衛君殆無罪矣刑五而已無有隱者謂鳩隱乃

諱也大刑用甲兵六師其次用斧鉞斬中刑用刀鋸割

用刀斷其次用鑕鑕臍刑薄刑用鞭朴鞭官刑以威

民也故大者陳之原野小者致之市朝五刑甲兵斧鉞

三次野朝是無隱也今晉人鳩衛侯不死亦不討其

使者諱而惡殺之也有諸侯之請必免之臣聞之班相



思厚可堪

恤也

位次同者  
同其憂

故能有親夫諸侯之患諸侯恤之所以

訓民也君盍請衛君以示親於諸侯且以勳晉夫晉新

得諸侯使亦曰魯不棄其親其亦不可以惡

使不  
惡魯公說

行玉二十瑱

雙玉曰瑱傳曰納玉  
於王及晉皆十瑱

乃免衛侯

臧孫辰請賞重館人

國語

晉文公解曹地以分諸侯

以觀裸故伐曹  
執共公分其田

僖公使臧文

仲往

受地

宿於重館

重地  
候館

重館人告曰晉始伯而欲固諸

侯故解有罪之地以分諸侯諸侯莫不望分而欲親晉

皆將爭先晉不以故班亦必親先者吾子不可以不速

行魯之班長而又先諸侯其誰望之若少安恐無及也

魯之班長應晉  
不以故班又先  
諸侯應晉必親  
先者

少安言少緩也

其誰望之言他



不能及也

從之獲地於諸侯為多自洮以南東傳于濟反既復命為之請曰

地之多也重館人之力也臣聞之曰善有章雖賤賞也

惡有累雖貴罰也今一言而辟境其章大矣請賞之乃

出而爵之出之隸以為大夫呂氏曰異哉重館人之論

信如是說則狡商庸賈趨利如風雨者皆重館人之所謂先也以減文仲之賢反為其說所動冒利兢進雖得地之多吾恐文仲之所喪者之多於地也

叔彭生請用內兵左傳文公七年

穆伯公孫敖娶于莒曰戴已已莒姓其姊聲已戴已卒又聘

于莒莒人以聲已辭謂有聲已存則為襄仲聘焉仲遂穆伯從兄弟

穆伯如莒蒞盟明徐伐莒莒人來請敖往平之且為仲逆見之美自為



鐵鍊章句

宣

里革之正諫宣  
公之聽言師有  
之啟沃叙述流  
動

娶之仲諸攻之公文將許之叔仲惠伯叔彭生諫曰

之兵作於內為亂於外為寇寇猶及人亂自及也今臣

作亂而君不禁以啟寇讐若之何公止之惠伯成之平

子使仲舍之木公孫敖反之還苦復為兄弟如初

里革斷罟匡君國語

宣公夏濫於泗淵漬罟於泗水以取魚里革斷其罟而棄之曰古

者大寒降冬李土蟄發春孟水虞漁師掌川澤之禁令者於是乎講眾

罟取名魚登川禽而嘗之寢廟行諸國人助宣氣也鳥

獸孕水蟲成春時獸虞掌鳥獸之禁令者於是乎禁罟羅罟羅鳥罟

獵魚鼈以為夏槁時獵也夏不得取故於此助生阜也



鳥獸成水蟲孕

時立夏

水虞於是乎禁置罝設罝鄂

置當作罝

罝置小網也鄂柞格所以誤獸也

以實廟庖畜功用也

且夫山不槎蘖

槎斫也

澤不伐天

草木未成曰天

魚禁鯢

鯢魚子鰠

獸長

麇麇

鹿子曰麇麇子曰麇

鳥翼鰈卵

生哺曰鰈鰈未孚曰卵

蟲舍蜺蜉

蜺蜉蜺蜉蜺蜉

薺薺物也古之訓也今魚方別孕

別於雄而懷子

不教魚長又

行網罟貪無藝

極也

公聞之曰吾過而里革匡我不亦

善乎是良罟也為我得法使有司藏之

所斷之罟

使吾無忘

諗師存侍曰藏罟不如寘里革於側之不忘也

季孫行父諫從楚

左傳成公四年

公成如晉晉侯

景

見公不敬公至自晉欲求成于楚而



叛晉季文子

父行

曰不可晉雖無道未可叛也國大臣

而邇於我諸侯聽焉未可以貳史佚之志有之曰非我

族類其心必異楚雖大非吾族也其肯字我乎公乃止

榮樂諫伐季氏

國語

襄公如楚反及方城聞季武子

宿

襲下欲還出楚師以

伐魯榮成伯

樂

諫曰不可君之於臣其威大矣不能令

於國而恃諸侯諸侯其誰暱之若得楚師以伐魯魯既

不違夙

武子名傳作宿

之取卞也必用命焉守必固矣

言魯人不敢違

夙之命必與協力相守

若楚之克魯諸姬不獲闕焉而况君乎彼

無亦置其同類以服東夷而大攘諸夏將天下是玉而



何德於君其予君也。言楚將封同姓於魯以取天下不予魯也若不克魯君以蠻夷伐之而又求入焉必不獲矣不如予之。與下夙之事君也不敢不悛醉而怒醒而喜庸何傷君其入也乃歸。

子家羈諫伐季氏

左傳昭公二十五年

公若

季公

獻弓於公為

昭公子

且與之出射於外而謀

去季氏

公若怨季孫意如不從其請而殺申夜姑也

公為告公果公賁

皆公為弟

公果公賁使侍人僚相告公

言至再三

公曰非小人之所及

也公果自言公以告臧孫臧孫以難告郈孫郈孫以可

勸官亦有怨於二家

告子家懿伯

羈

懿伯曰讒人以

此事三諫而昭公三違之及於難宜也

懿伯之言有三



不可為說人以  
君僥倖死為朝  
鑒

政自之出久矣  
見公無政也為  
之徒者與矣見  
公無徒也何不  
自喻

君微幸。事若不克。君受其名。惡名不可為也。含民數世。

以來以求克。事不可必也。且政在焉。其難圖也。公退之。

失民不合。公伐季氏。平子登臺而請曰。君不察臣之罪。使

有司討臣。以于戈。臣請待於沂上。以察罪。弗許。請囚于

費。弗許。請以五乘亡。弗許。子家子曰。君其許之。政自之

出久矣。隱民。窮困多取食焉。為之徒者眾矣。日入慝作。

弗可知也。眾怒不可蓄也。蓄而弗治。將蘊蘊蓄。積其所蓄之怒

民將生。心生。心同。求將合。與季氏同求叛者君必悔之。弗聽。郕

孫曰。必殺之。公使郕孫逆孟懿子。仲孫叔孫氏之司馬

驪戾帥徒以往。時叔孫舍以事往闕不在陷西北隅。以入。公徒釋甲。



執冰箭而踞無戰心也

遂逐之

孟氏使登西北隅以望季氏

見叔孫氏之旌

在先

以告

候者來告

孟氏執郈昭伯殺之遂伐

公徙于家子曰諸臣偽劫君者而負罪以出

逐之使奔以明非公

本君止

不可出

意如之事君也不敢不改公曰余不忍也

難復

與臧孫如墓謀

謀先君也

遂行孫于齊次于陽州

汪氏曰昭

公君千乘之國二十有五年討季氏不克而出奔者何哉即位雖久而民不見德則無德也以叔孫舍于家駒之賢而不能專任以聽其言則無人也臧孫及子家子皆以為為不可不能修政蓄備而遽信羣小之言以圖之則無謀也公徒釋甲執冰而踞莫有闕心則無兵也四者無一焉而奮然怒臂以當車轍其不為曹髦之必出於背者幸而免爾

子家羈諫主齊

左傳昭公二十五年



齊侯景唁公子野井弟生曰自莒疆以西請致千社

五家以待君命討季氏寡人將帥敝賦以從執事唯命是

聽君之憂寡人之憂也公喜子家子曰天祿不再天若

胙君不過周公以魯足矣失魯而以千社為臣誰與之

立且齊君無信不如早之晉弗從齊侯取鄆為魯取公至

自齊處于鄆既而齊景公設禮以享而使宰獻及遣高

復勤如晉公乃如晉晉定公欲納之而不果薨于乾侯

胡氏曰齊侯唁公子野井以遇禮相見孔子曰其禮與

其辭足觀矣然則何以失國而不反乎禮有本末正身

治人禮之本也威儀文辭禮之末也昭公喪齊歸無賦

容而不顧娶孟子為夫人而不命政令在家而不能取

有子家子之賢而不能用而屑屑焉冒儀以亟能有國

乎雖齊侯來唁其禮與辭是矣而方伯

連帥之職則未修也又豈所以為禮哉



○ 侯

卷之四

魯夏諫立妾

左傳哀公二十四年

公子荆

哀公庶子

之母嬖將以為夫人使宗人魯夏獻其禮

對曰無之公怒曰女為宗司立夫人國之大禮也何故

無之對曰周公及武公娶於薛孝惠娶於齊

不曰宋而曰商避定

諱公自桓以下娶於齊此禮也則有若以妾為夫人則固

無其禮也公卒立之而以荆為太子

○ 晉

士為諫將太子

國語

公獻

作二軍

僖王命晉武公以一軍為晉侯至此初作二軍

公將上軍太子

生

將下軍以伐霍師未出士為言於諸大夫曰夫太子君



以體食事條而  
不發

之貳也恭以俟嗣何官之有今君分之土曲沃而官之位

那是左之也吾將諫以觀之乃言於公曰夫太子君之

貳也而帥下軍無乃不可乎公曰下軍上軍之貳也寡

人在上申生在下不亦可乎士薦對曰下不可以貳上

公曰何故對曰貳若體焉四支上下左右以相助心目用

而不倦身之利也上貳代舉手下貳代履足周旋變動

以役心目故能治事以制百物若下攝上與上攝下周

旋不變以違心目其反為物用也何事能治故古之為

軍也軍有左右闕從補之成而不知不使敵知是以寡敗若

以下貳上闕而不變敗弗能補也變非聲章金鼓弗能



天以棟樑儲而

移也。聲章過數則有釁，有釁則敵入。敵入而凶，救敗不暇，誰能退敵？敵之如志，國之憂也。可以陵小，難以征大。君其圖之。公曰：寡人有子而制焉，非子之憂也。對曰：夫太子國之棟也，棟成乃制之，不亦危乎？公曰：輕其所任，雖危何害？

里克諫將太子

左傳閔公二年

國語

晉侯使太子申生伐東山臯落氏

赤狄別種也。驪姬欲立奚齊而廢申生，言

於獻公使之伐翟以圖之。

里克諫曰：太子奉冢祀社稷之粢盛，以朝

父，視君膳者也。故曰冢子。君行則守，有守則從。從曰撫軍，守曰監國，古之制也。夫帥師，專行謀誓，軍旅君與國



發明不可之故  
非以保全寔事  
理如此

廢告天子懼不  
孝不懼不得立  
祿事理寔如此

斷公言寡人有

政執國政者之所圖也。非太子之事也。師在制命。而巳。命則不專。威命則不孝。故君之嗣適。不可以帥師。君失其官。太子專則君失官人之道帥師不威。為將待稟則損威將焉用之。且臣聞臯落氏將戰。君其舍之。公曰。寡人有子。未知其誰立焉。不對而退。見太子。太子曰。吾其廢乎。對曰。告之以臨民。謂居山沃教之以軍旅謂將下軍不共。是懼何故。廢乎。且子懼不孝。無懼弗得立。修已而不責人。則免於難。傳公使太子伐東山。里克諫曰。臣聞臯落氏將戰。君其釋申生也。公曰。行也。對曰。非故也。非故事君行。太子居以監國也。君行。太子從以撫軍也。今君居太子行。未有此也。



予未知誰立克  
已不對此又言  
立太子之道克  
又不對蓋克徒  
能強諫師師之  
故事而不能深  
明擇嫡之是非  
弗濟返害又何  
尤也

善處父子之間  
只一言斷之

公曰非予之所知也寡人聞之立太子之道三身鈞以

年德同則年同以愛立所愛疑同決之以上策子無謀

吾父子之間吾以此觀之言使之征伐欲公不說里克

退見太子太子曰君賜我偏衣金玦何也公衣太子偏

玦裂在中左右異故里克曰孺子懼乎衣躬之偏而握

金玦令不偷矣告令於太子孺子何懼夫為人子者懼

不孝不懼不得不得且吾聞之敬賢於請言執恭敬愈

孺子勉之乎勉為君子曰善處父子之間矣入諫其父

呂氏曰里克告父以慈告子以孝其處父子之間者至

矣其後驪姬殺申生之謀已成憚克而未敢發使優施  
以言動之克猶用前術而不知變乃曰吾秉君以殺大  
子吾不忍通復故交吾不敢中立其免乎驪姬得其中



立之言始無所憚而新城之難作矣是克知父子之間  
當兩全而不知邪正不當兩立也兩刃之下人不容足  
兩虎之鬪獸不容蹄驪姬申生之際夫豈中立之地哉  
勢已新而方守其舊勢已改而方守其初用前術應後  
勢克之所  
以敗也

○狐突諫戰翟國語

至於稷桑翟人出逆申生欲戰狐突諫曰不可突聞之

國君好艾好艾謂多妻臣大夫殆好內好內謂多嬖妾適子殆社

稷危若惠順於父而遠於死惠於衆而利社稷其可以

圖之乎况其危身於翟以起讒於內也申生曰不可君

之使我非歡也抑欲測吾心也是故賜我奇服衣之偏

示中而告我權佩之金玦示以兵決事也又有甘言焉言之大甘其

申生真可謂善處父子矣喻言以疑擇術以厚君子有餘悲焉



中必苦諍在中矣君故生心雖蝎諍

起如蝎食木

焉避之不若戰也不戰而反我皇滋厚我戰雖死猶有

令名焉果戰敗翟於稷桑而反讒言益起狐突杜門不

出

慶鄭諫乘小駟

左傳僖公十五年

秦伯伐晉

秦穆公之納晉惠公也穆姬屬賈君約納羣公子許賂秦以五城皆背之且閉之糴故來

伐及韓晉侯謂慶鄭曰寇深矣若之何對曰君實深之

背施幸災所致

可若何公曰不孫卜右慶鄭吉弗使

怒其不孫不以爲車

右而以家僕徒爲之

乘小駟鄭入也

鄭所獻馬名小駟

慶鄭曰古者大事

必乘其產生其水土而知其人心安其教訓而服習其



○  
像

道唯所納之無不如志。今乘異產以從戎事，及懼而變。

將與人易。

不如人所使

亂氣狡憤，陰血周作，張脉僨興，外疆

中乾，進退不可。周旋不能，君必悔之。弗聽，戰于韓原。晉

戎馬還。

便旋也

寧而止。公虢慶鄭，慶鄭曰：「悔諫違卜，固敗。」

是求又何逃焉？遂去之。秦獲晉侯以歸。

在秦三月而許之平

晉侯

歸，殺慶鄭而後入。

○ 齊姜諫懷安

國語

文公在翟十二年乃行。

驪姬譖重耳於獻公，使君蒲後復使寺人披伐蒲，遂出奔翟。獻

公卒，惠公立。狐偃勸之行。

適齊，齊侯

相

妻之，甚善焉。有馬二十乘，將

死於齊而已矣。曰：「民生安樂，誰知其他？」桓公卒，孝公即



知齊知文公叙  
接輕妙

姜氏引臨汝之  
詩華莘之詩及  
西方之書鄭詩  
管仲之言替史  
之記何物女源  
能通透若是

位諸侯畔齊子犯

狐偃

知齊之不可以動

求反

而知文公

之安齊而有終焉之志也欲行而患之與從者謀於業

下蠶妾在焉莫知其在此也妾告姜氏姜氏殺之

滅其而

言於公子曰從者將以子行其聞之者吾已除之矣子

必從之不可以貳貳無成命詩云上帝臨汝無貳爾心

先王其知之矣貳將可乎子去晉難而極於此自子之

行晉無寧歲民無成君

謂奚齊卓子死惠公無親外內惡之

天未喪晉

無異公子

同生九人唯重耳在

有晉國者非子而誰子其勉之上

帝臨子矣貳必有咎公子曰吾不動矣必死於此姜曰

不然周詩曰莘莘征夫每懷靡及夙夜征行不遑啟處



猶懼無及况其順身縱欲懷安將何及矣人不求及其  
能及乎及謂及時日月不處人誰獲安西方之書有之曰懷  
與安實疚大事鄭詩云仲可懷也人之多言亦可畏也  
昔管敬仲有言小妾聞之曰畏威如疾民之上也從懷  
如流民之下也見懷思威民之中也畏威如疾乃能威  
民威在民上能威民則居尊弗畏有刑不畏威則獲罪從懷如流去威  
遠矣故謂之下其在辟也吾從中也欲辟罪故鄭詩之言吾  
其從之此大夫管仲之所以紀綱齊國裨輔先君而成  
霸者也子而棄之不亦難乎齊國之政敗矣晉之無道  
久矣從者之謀忠矣時日及矣公子幾矣計時可得國君國



商謀和合何事不成

上

可以濟百姓而釋之者非人也。敗不可處，時不可失，忠不可棄，懷不可從。子必速行，吾聞晉之始封也，歲在大火。歲星所在閼伯之星也，實紀商人。閼伯唐之火正，居商丘，祀大火，死以配食，相土因之，實紀商之吉凶。商之饗國三十一王，瞽史之記曰：唐叔之世將如商數，今未半也。唐叔至惠公方十四世亂不長世，公子唯子子必有晉。若何懷安，弗聽。姜與子犯謀醉而載之以行。

○筮使請復曹伯

左傳僖公二十八年

晉侯

文

有疾曹伯

共

之堅侯孺

貨筮

史使曰

以曹為解

齊

楚圍宋，先軫謀伐曹以救之。因執曹伯，將與楚戰。時齊復用先軫，謀私許復曹以誘之，而未歸，故以為請。



家

諫不入則莫繼  
信斯言矣三進  
及溜而后視之  
形寫如畫

桓公爲會而封異姓邢今君爲會而滅同姓曹叔振鐸  
文之昭也先君唐叔武之穆也且合諸侯而滅兄弟非  
禮也與衛偕命晉以元咺訟嘗執衛亦私許復之而不與偕復先復衛非  
信也同罪異罰非刑也禮以行義信以守禮刑以正邪  
舍此三者君將若之何公說復曹伯

士會諫殺宰夫

左傳宣公二年

靈公不君厚飲以彫牆從臺上彈人而觀其辟丸也宰  
夫肺熊蹯不熟熊掌煮之不熟則有毒殺之寘諸畚使婦人載以  
過朝趙盾士季會見其手問其故而患之將諫士季曰  
諫而不入則莫之繼也會請先不入則子繼之三進及



後

溜而後視之

公知欲諫故佯不見

曰吾知所過矣將改之稽首而

對曰人誰無過過而能改善莫大焉詩曰靡不有初鮮

克有終夫如是則能補過者鮮矣君能有終則社稷之

固也豈唯羣臣賴之又曰衮職有闕唯仲山甫補之能

補過也君能補過衮不廢矣

可以常服

猶不改

士渥濁諫討荀林父

左傳宣公十二年

晉師歸

楚圍鄭晉師救之遇於邲戰敗而歸

桓子請死

時荀林父為帥故任其責

晉侯

景

欲許之士貞子

渥濁

諫曰不可城濮之後晉師三日穀

晉敗楚于城濮食其穀三日

文公猶有憂色左右曰有喜而憂如有

憂而喜乎公曰得臣猶在憂未歇

盡

也困獸猶鬬况國



新鑒城侯意新  
理透

杯父事君見  
為得臣也

相乎及楚殺子玉城濮之戰子玉生之公喜而後可知也曰莫余  
毒也已。是晉再克而楚再敗也。楚是以再世不競。  
於今天或者大警晉也。而又殺林父以重楚勝其無乃  
父不競乎。不止再世林父之事君也進思盡忠退思補過社  
稷之衛也。若之何殺之。夫其敗也如日月之食焉。何損  
於明。晉侯使復其位。滅潞林父晉侯賞栾子狄臣亦  
賞士貞伯。瓜衍之縣曰吾獲狄土子之功也。微子吾喪伯氏  
矣。

伯宗諫救宋  
左傳宣公十五年

楚子圍宋。楚莊王使申舟聘齊不假道于宋宋殺之楚遂圍宋宋人使樂嬰齊告



急于晉晉侯

景

欲救之伯宗曰不可古人有言曰雖鞭

之長不及馬腹

非所繫

天方授楚未可與爭雖晉之疆能

違天乎諺曰高下在心

隨時制直

川澤納汙山藪藏疾

毒害之物

居瑾瑜匿瑕國君舍垢天之道也

晉侯耻不救宋故伯宗為此喻

君其

待之乃止使解揚如宋使無降楚曰晉師悉起將至矣

虛言以懼

楚慰宋

苗賁皇請釋齊臣

左傳宣公十七年

晉侯

景

使卻克徵會于齊

欲召齊會斷道

齊頃公帷婦人使觀

之卻子登婦人笑於房獻子怒先歸

叔梁傳曰季孫行父禿晉卻克眇諸

孫良夫跛曹公子眇僂同時而聘於齊齊僂禿者御禿者眇者御眇者跛者御跛者僂者御僂者蕭同姬子處



臺上而笑之聞於齊侯使高固晏弱蔡朝南郭偃會從客客不悅而去

及欽孟高固逃歸會于斷道辭齊人晉人執晏弱于野

王執蔡朝于原執南郭偃于溫苗賁皇使見晏栢子弱

歸言於晉侯曰夫晏子何罪昔者諸侯事吾先君皆如

不逮舉言群臣不信諸侯皆有貳志齊君恐不得禮故

不出而使四子來左右或沮之曰君不出必執吾使故

高子及欽孟而逃夫三子者曰若絕君好寧歸死焉爲

是犯難而來吾若善逆彼以懷來者吾又執之以信齊

沮使齊人沮高子之言信吾不既過矣乎過而不改而又久之以

成其悔三子悔來之心何利之有焉使反者得辭而害來者以



侯

天  
歷之壽可以勸

懼諸侯將焉用之晉人緩之逸

韓厥請立趙孤

左傳成公八年

趙莊姬為趙嬰之亡故

趙朔早死莊姬寡居趙嬰通之原屏怒其弟放之齊 替之

于晉侯

景

曰原屏將為亂

趙同食邑於原趙括食邑於屏 欒卻為徵二族

証其事

晉討趙同趙括武從姬氏畜于公宮

武趙朔之子莊姬所生莊

姬晉成公之女故武從其母在宮

以其田與祁奚韓厥言於晉侯曰成

季之勲

趙衰從文公

宣孟之忠

趙盾擁立靈成

而無後為善者其懼

矣三代之令王皆數百年保天之祿夫豈無辟王

邪辟者

賴前哲以免也

周書曰不敢侮鰥寡所以明德也乃立

武而反其田



侯

不虞天命不怠  
事此文有焉

○○女叔齊請從楚求

左傳昭公四年

楚子

靈

使椒舉如晉求諸侯

平

欲勿許司馬侯

女叔

齊

曰不可楚王方侈天或者欲逞其心以厚其毒而降

之罰未可知也其使能終亦未可知也晉楚唯天所相

不可與爭君其許之而修德以待其歸若歸於德吾猶

將事之况諸侯乎若適淫虐楚將棄之吾又誰與爭曰

晉有三不殆其何敵之有國險而多馬齊楚多難多難

有是三者何鄉而不濟對曰恃險與馬而虞隣國之難

是三殆也四嶽

東山西華南衡北恒

三塗

大行轅轅峯

陽城

山名

大室

中岳荆山中南

山名

九州之險也是不一姓

有此險者亦多無德則滅

二天

東

三



亡其之北土代燕馬之所生無與國焉恃險與馬不可以

為固也。從古以然。是以先王務修德音以享神人。幽通

明通不聞其務險與馬也。隣國之難不可虞也。或多難

以固其國。啓其疆土。或無難以喪其國。失其守宇。若何

虞難。齊有仲孫之難。無知弒襄公而獲桓公。至今賴之。晉有

里克之難。里克平鄭以二公子之徒作亂而獲文公。是以為盟主。衛邢

無難。敵亦喪之。狄滅衛故人之難不可虞也。恃此三者

而不修政德。亡於不暇。又何能濟君。其許之。紂作淫虐

文王。惠和殷。是以隕周。是以興夫。豈爭諸侯。乃許楚使

楚子合諸侯于申。



叔向請逆楚公子

左傳昭公六年

韓宣子

起

之適楚也

送

楚人弗逆公子棄疾及晉境

報禮

晉侯

平

將亦弗逆叔向

羊舌肸

曰楚辟

邪

我衷

正

若何效

辟詩曰爾之教矣民胥效矣從我而已焉用效人之辟

書曰聖作則無寧以善人爲則而則人之辟乎匹夫爲

善民猶則之况國君乎晉侯悅乃逆之

叔向諫射鵩

鵩國語

平公射鵩不死

鵩鵩小鳥也

使豎襄搏之失公怒拘將殺之

叔向聞之夕

暮見日夕

君告之叔向曰君必殺之昔吾先君

唐叔射肥

野牛

于徒林殪

一發而死曰殪

以爲大甲以封于晉今

北謂反諫



君嗣吾先君唐叔射鵠不死搏之不得是揚吾君之耻者也君其必速殺之勿令遠聞及言以諫君怛怩顏乃趣促赦之

屠蒯以飲寓諫

左傳昭公九年

銅紋而檀弓之  
大為勝

荀盈卒未葬晉侯

平

飲酒樂膳宰屠蒯趨入請佐公使

尊

公使人執尊獻酒蒯請為之佐

許之而遂酌以飲工

樂官也檀弓以為師曠蒯酌酒

飲之以示罰

曰女為君耳將司聽也辰在子卯謂之疾日

以紂

甲子喪桀以乙卯亡故國君以為忌日

君徹宴樂

君遇此日不設宴樂

學人舍業

學者

遇此日不事所業

為疾故也君之卿佐

盈指是謂股肱股肱或虧

何痛如之女弗聞而樂是不聰也又飲外嬖嬖叔外都人夫



之嬖者檀弓以爲李調

曰女爲君目將司明也服以旌禮禮以行

事事有其物物有其容今君之容非其物也

當哀而樂

而女

不見是不明也亦自飲也曰味以行氣氣以實志

則志

志以定言言以出令臣實司味二御失官

工不聰而叔不明

君弗命臣之罪也公說徹酒

荀躒請逐范中行氏

左傳定公十三年

范氏

士吉射

中行氏

荀寅

伐趙氏之宮

衛貢五百家在邯鄲趙鞅欲徙真之晉陽

而不得遂殺邯鄲午午荀寅之甥也寅范吉射之姻也相與攻趙氏

趙鞅奔晉陽晉人圍

之荀躒言於晉侯

定

曰君命大臣始禍者死載書在河

爲盟書沈之河

今三臣始禍而獨逐鞅刑已不鈞矣請皆逐之



荀躒韓不信魏曼多奉公以伐范氏中行氏荀寅士吉射奔朝歌

○衛

石碻諫寵州吁 左傳隱公三年

公子州吁嬖人之子也 莊公幸妾之所生 有寵而好兵公 莊弗

禁石碻諫曰臣聞愛子教之以義方弗納於邪驕奢淫

佚所自邪也 邪所從來 四者之來寵祿過也將立州吁乃定

之矣若猶未也階之為禍夫寵而不驕驕而能降降而

不憾憾而能脡者 重自鮮矣 且夫賤妨貴少陵長遠間親

新間舊小加大淫破義所謂六逆也君義臣行父慈子

○  
石碻

愛之寵之勞乎  
是義也不碻知  
之矣

大逆之馭柳子  
有文然碻言未  
始不是柳則推  
衍言之



孝兄愛弟敬所謂六順也去順效逆所以速禍也君人者將禍是務去而速之無乃不可乎弗聽州吁弑桓公莊公而立張氏曰衛莊溺愛而使內寵僭嫡嬖子害正禍後嗣可謂慘矣

甯速請禮晉公子

晉國語

晉文公在翟十二年乃行過衛自齊適衛衛文公有邢翟之

虞不禮焉甯莊子

速

言於公曰夫禮國之紀也親民之

結也

君親其親所以結民心使相親也

善德之建也國無紀不可以終

民無結不可以固德無建不可以立此三者君之所慎也今君棄之無乃不可乎晉公子善人也而衛親也君



不禮焉棄三德矣

三德謂禮賓親親善善也

君其圖之康叔文之昭

也唐叔武之穆也周之大功在武

謂伐紂有天下

天胙將在武

族苟姬未絕周室而俾守天聚者

聚謂財衆

必武族也武族

唯晉實昌晉胤公子實德晉仍無道天胙有德晉之守

祀必公子也若復而修其德鎮撫其民必獲諸侯以討

無禮君弗蚤圖衛而在討小人是懼敢不盡心公弗聽

出於五鹿乞食於野人野人與之塊文公既立之四年楚伐宋晉伐衛以救宋分其田賜宋人

甯俞諫祀相

左傳僖公三十一年

狄圍衛衛遷于帝丘成公夢康叔曰相奪予享

相夏后相也皆

居帝丘公命祀相甯武子

俞不可曰鬼神非其族類不歆

知此



野以語祀典矣

其祀杞鄆何事杞鄆皆夏之相之後自常祀相之不稟於此父矣非衛之罪也不可以間成王周公之命祀諸侯祀不請改祀過其祖

命  
定姜請復孫林父

左傳成公十四年

定公惡孫林父林父出奔晉晉侯厲使卻犇送孫林父

而見之衛侯欲辭定姜定公夫人曰不可是先君宗卿之嗣

也林父良夫之子大國又以為請不許將亡違大國必見伐雖惡之不

猶愈於亡乎君其忍之安民而省宗卿不亦可乎衛侯

見而復之

公叔發諫追魯師

左傳定公六年



公侵鄭

周僖公因鄭人以作亂鄭為之伐胥靡晉使魯定公討之

往不假道於衛及

還陽虎使季孟自南門入出自東門

虎將逐三桓欲使得罪於隣國衛

侯

怒使彌子瑕追之公叔文子

發

老矣輦而如公曰

尤人而效之非禮也昭公之難君將以文之舒鼎

衛文公所

者鑄成之昭兆

衛成公得寶龜灼之其兆八明故名

定之鑿鑑

鑿帶而以鏡為飾也衛定

公有

苟可以納之擇用一焉公子與二三臣之子諸侯

苟憂之將以為之質

質子以末納之

此群臣之所聞也今將以

小忿蒙

蔽

舊德無乃不可乎太姒之子唯周公康叔為

和睦也而效小人以棄之不亦誣乎天將多陽虎之罪

以斃之君姑待之若何乃止



庚

○鄭

祭仲諫封叔段

左傳隱公元年

武公娶于申曰武姜生莊公及共叔段

後出奔共莊公因以為號

寤生驚姜氏

史記云寤生生之難也蓋絕而復蘇

故名曰寤生遂惡之愛

共叔段欲立之

為大子

亟請於武公公弗許及莊公即位

為之請制公曰制巖邑也虢叔死焉

虢叔東虢君也虢叔居制恃險而不

修德鄭滅之

佗邑唯命請京使居之謂之京城大叔祭仲

曰都城過百雉

方丈曰堵三堵曰雉

國之害也先王之制大都不

過參國之一

三分其國之一

中五之一

五分其國之一小

九之一

九分其國之一

今京不度非制也君將不堪公



曰姜氏欲之焉辟害對曰姜氏何厭之有不如早爲之  
所早爲之圖無使滋蔓蔓難圖也蔓草猶不可除况君  
使得其所  
之寵弟乎公曰多行不義必自斃子姑待之

公子呂請除叔段  
左傳隱公元年

既而大叔段命西鄙北鄙貳於已公子呂曰國不堪貳

民有貳心君將若之何欲與大叔臣請事之若弗與則請除

之無生民心公曰無庸不用將自及及於禍太叔又收貳

以爲已邑前兩屬者至於廩延子封呂字曰可矣厚將得衆公

曰不義無君不曜無兄厚將崩衆不附大叔完聚完城聚民繕甲兵

具卒乘步兵車卒將襲鄭夫人將啓之公聞其期曰可矣命



序

掘地及隧之談  
猶為未至何必  
如此

此為左氏大篇  
深通茂問可謂  
審容矣始叙莊  
段共生而姜惡  
莊段此為置

子封帥車二百乘以伐京京叛大叔段段入于鄆公伐

諸鄆大叔出奔共胡氏曰象憂亦憂象喜亦喜恩掩義

恩也恩義並立而中持衡焉段雖凶逆焉攸亂又曰鄭

莊公志殺其弟使柳其口于四方自以為保國之計得

也然身沒未幾而世嫡出奔庶孽奪正公子

互爭兵革不息忽儀璽突之祭其禍慘矣

遂寘姜氏于城賴并怒而誓之曰不及黃泉地中之無

相見也既而悔之賴考叔為賴谷封人聞之有獻於公

公賜之食食舍肉不啜羹欲公問之對曰小人有母皆

嘗小人之食矣未嘗君之羹請以遺之公曰爾有母遺

緊我獨無賴考叔曰敢問何謂也公語之故且告之悔



於城賴之張本

繼叙祭仲呂封

之諫而莊皆不

聽蓋以必除為

心故必養成其

惡段之出奔已

不在干鄆之口

其曰姜氏欲之

焉辟害宜入子

之言也曰不昵

不義厚將明宜

人兄之言也幸

封人之諷得以

發其晦心不然

人類天常絕矣

故左氏有純孝

錫類之與焉結

見

對曰君何患焉若闕掘地及泉隧而相見遂地也其誰曰

不然公從之公入而賦大隧之中其樂也融融和樂也姜

出而賦大隧之外其樂也洵洵舒散也遂為母子如初

君子曰賴考叔純孝也愛其母施及莊公詩曰孝子不

匱永錫爾類其是之謂乎呂氏曰考叔以一言回莊公

爭一車而死於子都之射惜其不能推也左氏嘗舉詩

以美之自今觀之能捨肉而不能捨車則其孝有時而

孔叔諫逃盟左傳僖公五年

會于首止會王太子鄭謀寧周也諸侯盟惠王寵王子

鄭而立之故齊桓公帥王使周公召鄭伯文曰吾無

諸侯會盟以定其位



既不能強又不  
能弱此即既不  
能令又不受命  
也

女以從楚輔之以晉可以少安鄭伯喜於王命而懼其

不朝於齊也故逃歸不盟孔叔止之曰國君不可以輕

輕則失親援無失親患必至病而乞盟所喪多矣君必悔

之弗聽逃其師而歸及惠王崩齊桓公復與諸侯盟于  
洮以定襄王位鄭伯乞盟

孔叔請下齊左傳僖公七年

齊人伐鄭楚討從孔叔言於鄭伯文曰諺有之曰心則不

競何憚於病既不能強又不能弱所以斃也國危矣請

下齊以救國公曰吾知其所由來矣姑少待我欲以中  
侯說

對曰朝不及夕何以待君鄭殺申侯以說于齊以逃盟  
之罪歸

申侯



讀

○叔詹請禮晉公子

晉國語

晉公子過鄭

重耳在翟十二年而行自宋適鄭

鄭文公不禮焉叔詹諫

曰臣聞之親有天

天之用前訓

先君禮兄弟資窮困天

所福也今晉公子有三胙焉天將啓之同姓不婚惡不

殖也狐氏出自唐叔狐姬伯行之子也實生重耳成而

雋才離違而得所

遭禍而父約而無釁一也同出九人

唯重耳在離外之患而晉國不靖二也晉侯日載

成其

怨外內棄之重耳日載其德狐趙謀之三也在周頌曰

天作高山大王荒之荒大之也大天所作可謂親有天

矣晉鄭兄弟也吾先君武公與晉文侯戮力一心股股

首舉四節中言三胙未又申明四節以見三胙其指禍福頗至明悉文公竟不聽自貽伊感哉



周室夾輔平王。平王勞而德之，而賜之盟。質曰：世相起

也。相扶持。

若親有天，獲三胙者，

謂成而雋才晉國不靖，狐趙謀之也。

可謂大

天。若用前訓，文侯之功，武公之業，可謂前訓。若禮兄弟

晉鄭之親，王之遺命，可謂兄弟。若資窮困，亡在長幼，

白幼至長。還軫諸侯，車所周歷。可謂窮困。棄此四者，以徼天禍，無

乃不可乎？君其圖之，弗聽。

晉文公既立之六年，與秦穆公圖鄭以其無禮於晉也。

○曹

○僖負羈請禮晉公子

晉國語

晉文公自衛過曹，

出亡時。

曹共公亦不禮焉。聞其駢脅，欲

觀其狀，止其舍，謀其將浴，設微也。

蔽也。薄而觀之。僖負羈言

晉文公以困窮  
凡過列國而國  
之在位多社識



之則春秋時人  
羽豈易者

二卷

言言

四十一

頁

於曹伯曰夫晉公子在此君之匹也君不亦禮焉曹伯  
曰諸侯之亡公子其多矣誰不過此亡者皆無禮者也  
余焉能盡禮焉對曰臣聞之愛親明賢政之幹也禮賓  
矜窮禮之宗也禮以紀政國之常也失常不立君所知  
也國君無親國以為親以國相親先君叔振出自文王晉祖  
唐叔出自武王文武之功實建諸姬故二王之嗣世不  
廢親今君棄之是不愛親也晉公子生十七年而亡卿  
材三人狐偃趙衰賈佗從之可謂賢矣而君蔑之是不明賢也  
晉公子之亡不可不憐也比之賓客不可不禮也夫此  
二者是不禮賓不憐窮也守天之聚將施於宜宜而不



施聚必有闕玉帛酒食猶糞土也愛糞土以毀三常

政謂

之幹禮之常失位而闕聚是之不難無乃不可乎君其圖

之公弗聽

按僖負羈之妻曰吾觀晉公子賢人也其從者皆國相也以相夫子必得晉國得晉國而

討無禮曹其首誅也及晉文公立之四年楚伐宋晉侵曹以救宋入曹數之以其不用僖負羈而乘軒者三百

人也執曹伯分其田以賜宋人

○虞

宮之奇諫假道

左傳喜公五年

晉侯復假道於虞以伐虢宮之奇諫曰虢虞之表也虢

亡虞必從之晉不可啓寇不可翫一之謂甚其可再乎

先是晉獻公嘗用荀息之諺所謂輔車相依輔頰也車牙車也



輔車唇齒之譬  
至矣不聽乃謂  
爲同宗不害滅  
虢何愛於虞雖  
至愚亦必興警  
矣不聽乃謂事  
神豐潔真可笑  
處

唇亡齒寒者其虞虢之謂也公曰晉吾宗也豈害我哉  
對曰大伯虞仲大王之昭也大伯不從是以不嗣虢仲  
虢叔王季之穆也爲文王卿士勲在王室藏於盟府將  
虢是滅何愛於虞且虞能親於桓莊乎其愛之也桓莊  
之族何罪而以爲戮不唯偪乎桓叔莊伯之族獻公之從祖昆弟獻公患其偪  
盡殺親以寵偪猶尚害之況以國乎公曰吾享祀豐潔  
神必據我對曰臣聞之鬼神非人實親惟德是依故周  
書曰皇天無親惟德是輔又曰黍稷非馨明德惟馨又  
曰民不易物惟德馨物如是則非德民不和神不享矣  
神所馮依將在德矣若晉取虞而明德以薦馨香神其



臘秦祭名也春秋時何得稱之

季

吐之乎弗聽許晉使官之奇以其族行曰虞不臘矣父不

○隨

季梁勸修政

左傳桓公六年

楚武王侵隨使遠章求成焉軍於瑕以待之隨人使少

師董成

王其

王毀軍而納少師

弱示

少師歸請追楚師隨

侯將許之季梁止之曰天方授楚楚之肅其誘我也君

何急焉臣聞小之能敵大也小道大淫所謂道忠於民

而信於神也上思利民忠也祝史正辭

祝官史官不虛美君

信也

今民餒而君逞欲祝史矯舉以祭

詐稱功德以欺鬼神

臣不知其



文如層瀾疊嶂  
而又端廻阜轉  
以極奇觀

可也。公曰：吾牲牷肥腍，粢盛豐備，何則不信？對曰：夫民  
神之主也。是以聖王先成民而後致力於神，故奉牲以  
告曰：博碩肥腍，謂民力之普存也。謂其畜之碩大蕃滋  
也，謂其不疾疫蠹也。謂其備腍咸有也。謂民力完則六畜大而無疥癬  
備而無闕失奉盛以告曰：潔粢豐盛，謂其三時不害而民和  
年豐也。奉酒醴以告曰：嘉粟旨酒。酒之味嘉而將謂其之以敬謹也  
上下皆有嘉德而無違心也。所謂馨香，無譌慝也。故務  
其三時，修其五教。父義、母慈、兄友、弟恭、子孝親其九族，以致其禋祀  
於是乎。民和而神降之福，故動則有成。今民各其心，而  
鬼神乏主，君雖獨豐，其何福之有？君姑修政而親兄



之國庶免於難隨侯懼而修政楚不敢伐

○宋

子魚諫圍曹

左傳僖公十九年

宋人圍曹討不服也

宋襄公邾文公盟于曹南曹子魚共公不修地主之禮故圍之

子魚

言於宋公曰文王聞崇

崇侯虎

德亂而伐之軍三旬而

不降退修教而復伐之因壘而降

傳不改前而崇自服

詩曰刑于

寡妻至於兄弟以御于家邦今君德無乃猶有所闕而

以伐人若之何盍姑內省德乎無闕而後動

公孫固請禮晉公子

晉國語

晉公子

重耳過宋

自曹適宋

公孫固言於襄公曰晉公子云長



幼矣從幼至長而好善不厭父事狐偃師事趙衰而長事賈

它狐射姑也食邑於賈狐偃其舅也而惠以有謀趙衰其先君之

戎御趙夙之弟也而文以忠貞賈它公族也而多識以

恭敬此三人者實左右之公子居則下之動則咨焉成

幼自幼至成人而不倦殆有禮矣樹於有禮必有艾報商頌

曰湯降不逢聖敬日躋降有禮之謂也君其圖之襄公

從之贈以馬二十乘

樂豫諫去群公子左傳文公七年

昭公將去群公子樂豫曰不可公族公室之枝葉也若

去之則本根無所庇蔭矣葛藟猶能庇其本根故君子

笑英本校見一



以為比

詩人取以喻王族

况國君乎此諺所謂底焉而縱尋斧

焉者也

八尺曰尋所以量木也謂木藉枝葉之底而縱尋以尋之斧以伐之也

必不可君

其圖之親之以德皆股肱也誰敢攜貳若之何去之不

聽穆襄之族

公所欲去者

率國人以攻公

陳氏曰昭公去群公子而樂豫以公

子而爭之豫之言雖是而昭公固已疑之矣

○陳

五父諫辭平

左傳隱公六年

鄭伯

莊

侵陳大獲往歲鄭伯請成于陳陳侯

桓

不許五

父

作

諫曰親仁善隣國之寶也君其許鄭陳侯曰宋衛

實難鄭何能為遂不許

君子曰善不可失惡不可長



其陳桓公之謂乎長惡不悛從自及也雖欲救之其將  
 能乎商書曰惡之易也如火之燎于原不可嚮邇其猶  
 可撲滅周任有言曰為國家者見惡如農夫之務去草  
 焉芟夷蕪崇之絕其本根勿使能殖則善者信矣惡屈則善伸

洩冶諫宣淫

左傳宣公九年

靈公與孔寧儀行父通於夏姬

鄭穆公之女陳大夫御叔之妻

皆衷其

相服

近身衣

以戲于朝洩冶諫曰公卿宣淫民無效焉

無以

為法且聞不令

以不善聞四方

君其納之

指相服

公曰吾能改矣公

告二子二子請殺之公弗禁遂殺洩冶公與孔寧儀行

公何能改奢而二子請殺之  
 二子真不容諫



卷

紀略自別

父飲酒於夏氏公謂行父曰徵舒似女對曰亦似君徵

舒病之公出自廐射而殺之二子奔楚胡氏曰禍莫大於拒諫而殺直

臣忠莫顯於身見殺而其言驗又曰治雖效忠其猶在宋子哀魯叔肝之後乎故仕於昏亂之朝若異姓者如

子哀潔身而去可也其貴戚耶不食其祿如叔肝善矣

○齊

管仲請救邢

狄人伐邢管敬仲夷言於齊侯桓曰我狄豺狼不可厭

也不可使諸夏親暱不可棄也宴安酖毒酖鳥名以羽畫酒能殺人

言宴安之禍其毒如酖不可懷也詩云豈不懷歸畏此簡書簡書

同惡相恤之謂也請救邢以從簡書齊人救邢



管仲諫用鄭世子華

左傳僖公七年

盟于甯母謀鄭故也管仲言於齊侯

桓曰臣聞之招攜

以禮懷遠以德德禮不易無人不懷齊侯修禮於諸侯

諸侯官受方物

四方諸侯各有職貢時周向衰王貢不通故桓公量其國之大小令各出方物

以貢天子而諸國掌賦之官受命於齊也鄭伯使太子華聽命於會

時鄭文公逃齊

首止之盟而即楚不肯親來姑使華聽會

言於齊侯曰洩氏孔氏子人氏三

族實違君命

言鄭所以違齊三族實使之然

若君去之以為成我以鄭

為內臣

孟子華欲乘間以篡國

君亦無所不利焉齊侯將許之管

仲曰君以禮與信屬諸侯而以姦終之無乃不可乎子

父不奸之謂禮守命共時

守君命共時事

之謂信違此二者姦



霸者之略固如此九合一匡非偶然者

莫大焉。公曰：諸侯有討於鄭，未捷，今苟有變，從之不亦

可乎？對曰：君若綏之以德，加之以訓辭，而帥諸侯以討

鄭，鄭將覆亡，之不暇，豈敢不懼？若總其罪人以臨之，鄭

有辭矣。何懼？且夫合諸侯以崇德也，會而列姦，用子華何

以示後嗣？夫諸侯之會，其德刑禮義無國不記。書記姦

之位，君盟替矣。作而不記，非盛德也。君其勿許。鄭必受

盟。夫子華既為太子而求介，助於大國以弱其國，亦必

不免。鄭有叔詹堵叔，叔三良為政，未可間也。齊侯辭

焉。子華由是得罪於鄭。鄭伯使請盟于齊。蘇氏曰：管仲

華盛德之事也。齊可以王矣。恨其不學道，不自誠意正心，以刑其國，使家有三歸國有六廢之禍。故孔子小之。



仲子諫廢太子

左傳襄公十九年

齊侯

靈

娶于魯曰顏懿姬無子其姪鬻聲姬生光以為

太子諸子仲子戎子

宋女

戎子嬖仲子生牙屬諸戎

果從仲子戎牙  
皆保

子戎子請以為太子

欲立牙

許之仲子

牙所生母

曰諫於

不可

廢常不祥間諸侯難

謂廢黜之事難成

光之立也列於諸侯矣

今無故而廢之是專黜諸侯而以難犯不詳也君必悔

之公曰在我而已遂東太子光

廢徙之東

使高厚傅牙以為

太子齊侯疾崔杼微逆光疾病而立之光殺戎子尸諸

朝靈公卒莊公

光

即位執公子牙於句瀆之丘

晏嬰諫納晉欒盈

左傳襄公二十一年



康

晏子齊宅兩對  
孝不忘親諫不  
惑君

晉欒盈出奔楚

欒盈患其母欒祁與州賓通祁懼其討也愬於父范宣子宣子逐盈

自楚

適齊晏平仲

嬰

言於齊侯

莊

曰商任之會受命於晉

公會諸侯於商任以固欒氏

今納欒氏將安用之小所以事大信也

失信不立君其圖之弗聽退告陳文子曰君人執信臣

人執共忠信篤敬上下同之天之道也君自棄也弗能

久矣

晏嬰諷諫繁刑

左傳昭公三年

景公欲更晏子

嬰

之宅曰子之宅近市湫

下

隘囁塵不

可以居請更諸爽塏

燥

者辭曰君之先臣容焉臣不足

以嗣之於臣侈矣且小人近市朝夕得所求小人之利

二卷

諫辭

晏嬰



也敢煩里旅不敢勞衆別爲之公笑曰子近市識貴賤乎對曰

既利之敢不識乎公曰何貴何賤曰踊貴履賤景公爲

是省於刑時景公繁刑有鬻踊者故以此諷之君子曰仁人之言其利

博哉晏子一言而齊侯省刑詩曰君子如祉亂庶遄已

其是之謂乎

晏嬰諫誅祝史 左傳昭公二十年

齊侯景疢瘕瘕期而不瘳諸侯之賔問疾者多在梁丘據

與裔款言於公曰吾事鬼神豐於先君有加矣今君疾

病爲諸侯憂是祝史之罪也諸侯不知其謂我不敬君

盍誅於祝固史黜以辭賔公說告晏子晏子曰日往宋



晏子述屈建康  
王之言而不明  
其肯正欲公之  
發問以卒之也

並論詳盡

之盟屈建問范會之德於趙武趙武曰夫子之家事治  
言於晉國竭情無私其祝史祭祀陳言不愧其家事無  
猜其祝史不祈建以語康王康王曰神人無怨宜夫子  
之光輔五君文襄靈成景以為諸侯主也公曰據與款謂寡  
人能事鬼神故欲誅於祝史子稱是語何故對曰若有  
德之君外內不廢無廢事上下無怨動無違事其祝史薦  
信以上實告鬼神無愧心矣是以鬼神用饗國受其福祝史與  
焉其所以蕃祉老壽者為信君使也以其為誠信之君所使故降之福  
其言忠信於鬼神其適遇淫君外內頗邪上下怨疾動  
作辟違乖辟而違於理從欲厭私私情厭足高臺深池撞鍾舞女斬



刈民力、輸掠其聚、以成其違、不恤後人、暴虐淫從、縱肆

行非度、無所還忌、顧不思謗讟、不憚鬼神、神怒民痛、無

悛於心、其祝史薦信、是言罪也、其蓋失數美、掩惡而是

矯誣也、進退無辭、則虛以求媚、進則矯誣、退則言罪、無

是以鬼神不饗、其國以禍之、祝史與焉、所以夭昏孤疾

者、為暴君使也、其言僭嫚於鬼神、公曰、然則若之何、對

曰、不可為也、非誅祝史所能治山林之木、衡鹿守之、澤之萑蒲、

舟鮫守之、藪之薪烝、虞候守之、海之鹽蜃、祈望守之、衡鹿

舟鮫、虞候、祈望、皆官名也、專守其利、不與民共縣鄙之人、入從其政、偏介之關、

暴征其私、外鄙之人、入服政、後又為逼近國承嗣大夫



此可垂戒於後  
不求治於民  
而求福於神者

疆易其賄

又為世家恃強以移易其貨

布常無藝

布政無法制

徵歛無度

宮室日更淫樂不違

去

內寵之妾肆奪於市外寵之臣

僭令於鄙私欲養求

嬖寵臣妾縱欲以長養求覓

不給則應

應之罪

人苦病夫婦皆詛

詛君

祝有益也

詛亦有損

假使祝史能徵福則夫婦

之詛亦將有禍

聊攝以東

二城

姑尤以西

二水

其為人多矣雖其

善祝豈能勝億兆人之詛君若欲誅於祝史修德而後

可公說使有司寬政毀關去禁薄歛已責

除逋債

晏嬰諫穰彗

左傳昭公二十六年

齊有彗星齊侯

景

使穰之晏子曰無益也祇取誣焉天

道不諛不貳其命

禍福不爽

若之何穰之且天之有彗也以



除穢也。君無穢德，又何禳焉？若德之穢禳之，何損？詩曰：惟此文王，小心翼翼，昭事上帝，聿懷多福，厥德不回，以受方國。君無違德，方國將至。何患於彗？詩曰：我無所監，夏后及商，用亂之故，民卒流亡。逸詩若德回亂，民將流亡。祝史之爲無能補也。公說乃止。

鮑國諫用魯陽虎

左傳定公九年

陽虎奔齊

虎入陽關以叛魯伐陽關虎犯師而出

請師以伐魯曰：三加必

取之齊侯

景將許之鮑文子

國諫曰：臣嘗爲隸於施氏

矣，魯未可取也。上下猶和，衆庶猶睦，能事大國。

晉而無

天菑，若之何取之？陽虎欲勤齊師也。齊師罷，疲大臣必

天菑若之何取之陽虎欲勤齊師也齊師罷

疲大臣必



誦齊魯之勢明  
誅陽虎之心畫

多死亡

戰死於

已於是乎奮其詐謀夫陽虎有寵於季氏

而將殺季孫

將召季桓子享于蒲團而殺之

以不利魯國而求容焉

於齊親富不親仁君焉用之君富於季氏而大於魯國茲

陽虎所欲傾覆也魯免其疾而君又收之無乃害乎

害魯者以害齊齊侯執陽虎囚之載葱靈車而逃追得而囚之復以葱靈逃奔宋遂奔晉

○秦

蹇叔諫襲鄭

左傳僖公三十三年

杞子自鄭使告于秦

先是穆公與晉文公圍鄭鄭使燭之武說之穆公與鄭盟而還使杞

子成曰鄭人使我掌其北門之管共潛師以來國可得

也穆公訪諸蹇叔蹇叔曰勞師以襲遠非所聞也師勞



力竭遠主備之無乃不可乎行輕師之所為鄭必知之勤

而無所勞而必有悖心且行千里其誰不知公辭焉

師遂東及滑鄭商人弦高將市於周遇之以乘韋先占者

有獻遺於人皆以輕先重故鄭商將獻牛於秦而以四韋先牛十二犒師曰寡君聞

吾子將步師出於敝邑鄭穆公實不聞而弦高云然矯致也敢犒從者不

腆敝邑為從者之淹謂秦師在外之義居則共一日之積粥米之類

行則備一夕之衛且使遽傳告于鄭鄭穆公使視客館

則束載厲兵秣馬矣使皇武子辭焉曰吾子淹父於敝

邑唯是脯資餼牽竭矣乾肉曰脯糧食曰資腥物曰牽為吾子之

將行也鄭之有原圃猶秦之有具囿也吾子取其麋鹿



白取

以閒敝邑

使鄭得休息

若何。杞子奔齊。孟明曰：鄭有備

矣。不可冀也。攻之不克，圍之不繼，吾其還也。滅滑而還。

○楚

鬻拳兵諫

左傳：莊公十九年。

已人伐楚楚子

文

禦之大敗於津，還鬻拳弗納。

激其志，使別立。

功

遂伐黃，敗黃師于蹇陵，還及湫，卒。鬻拳薨，諸夕室。拳

亦自殺也。而葬于經皇。初，鬻拳強諫楚子，楚子弗從。臨

之以兵，懼而從之。鬻拳曰：吾懼君以兵罪莫大焉，遂自

刖也。楚人以為大閼。

刖，足不可復用，故使守門。

謂之大伯，使其後掌

之。君子曰：鬻拳可謂愛君矣。諫以自納於刑，刑猶不忘。

鬻拳之事左氏原其心，范氏據其義，要之人臣事君必先視義之可否，而后為之。然後其心始白于天下，其美盡臣之義之難也。孔子所以以六言六蔽示人。



好學與

侯。

二卷

諫言

五十一

納君於善

范氏曰左氏以鬻拳兵諫為愛君是人主可得而脅也傷教害義不可得而疆通者也

申叔時諫縣陳

左傳宣公十一年

楚子

莊

為陳夏氏亂故

陳靈公淫夏姬徵舒殺之

伐陳謂陳人無動

將討於少西氏

少西徵舒之名祖子夏之名

遂入陳殺夏徵舒轅諸栗

門因縣陳申叔時使於齊及復命而退王使讓之曰夏

徵舒為不道弑其君寡人以諸侯討而戮之諸侯縣公

縣大夫皆稱公

皆慶寡人女獨不慶寡人何故對曰猶可辭乎

王曰可哉曰夏徵舒弑其君其罪大矣討而戮之君之

義也抑人亦有言曰牽牛以蹊

徑

人之田而奪之牛牽

牛以蹊者信有罪矣而奪之牛罰已

太

重矣諸侯之從

牽牛之喻甚極事情史記略變其文便弱矣



細已切至莊公  
不得不從之也

也。曰：討有罪也。今縣陳貪其富也。以討召諸侯，而以貪歸之，無乃不可乎？主曰：善哉！吾未之聞也。反之可乎？對曰：可哉！吾儕小人，所謂取諸其懷而與之也。乃復封陳，鄉取一人焉，以歸，謂之夏州。朱氏曰：叔時善諫君莊王能從義楚之霸也，豈偶然哉。

公子貞諫伐晉

左傳襄公九年

秦景公使士稚乞師于楚，將以伐晉。楚子共許之。子囊貞曰：不可。當今吾不能與晉爭，晉君悼類能而使之舉，不失選官，不易方。其卿讓於善，其大夫不失守，其士競於教，其庶人力於農穡，商工阜隸，不知遷業。韓厥老矣。



知瑩稟焉以為政。瑩代厥將中軍。政皆咨稟於厥。范句少於中行偃而

上之使佐中軍。句佐中軍。韓起少於欒黶而欒黶士魴

上之使佐上軍。起佐上軍。黶將下軍魴佐之。魏絳多功。和以趙武為

賢而為之佐。武將新軍。絳佐之。君明臣忠。上讓下競。以力當是

時也。晉不可敵。事之而後可。君其圖之。王曰。吾既許矣。

雖不及晉。必將出師。楚子師于武城。以為秦援。

遠馮諫伐舒鳩。左傳襄公二十四年

吳人為楚舟師之役故。先是楚康王為水軍乘舟以伐。召舒鳩人。楚屬

國舒鳩人叛楚。楚子康師于荒浦。使沈尹壽與師祁犁

讓之。舒鳩子敬逆二子而告無之。無叛故。且請受盟。二子



叛則征之服則  
舍之

上

復命王欲伐之遠子馮曰不可彼告不叛且請受盟而

又伐之伐無罪也姑歸息民以待其卒終卒而不貳吾

又何求若猶叛我無辭有庸彼無辭乃還舒鳩人卒叛

令尹子木屈建伐之遂滅舒鳩

○椒舉諫示侈左傳昭公四年

楚子靈合諸侯于申示諸侯侈椒舉曰夫六王二公之

事夏啓均臺之享商湯景毫之命武王盟津之誓成王

岐陽之蒐康王酆宮之朝穆王塗山之會齊桓公召

陵之師晉文皆所以示諸侯禮也諸侯所由用命也夏

公踐土之盟築爲仍之會有緡叛之商紂爲黎之蒐東夷叛之周幽

爲大室之盟戎狄叛之皆所以示諸侯汰也諸侯所由



左

棄命也。今君以汰，無乃不濟乎？王弗聽。子產見左師，戊

曰：「吾不患楚矣，汰而悔，諫。」

椒舉諫戮齊慶

左傳昭公四年

齊慶封奔吳

樂高陳鮑之徒與盧蒲癸王何攻慶氏殺慶舍故封奔魯齊人來讓復自魯奔吳

吳句餘予之朱方，聚其族焉而居之，富於其舊。楚子

靈

以諸侯伐吳，圍朱方，克之，執齊慶封而盡滅其族。將戮

慶封，椒舉曰：「臣聞無瑕者可以戮人。慶封唯逆命，是以

在此，其肯從於戮乎？播於諸侯焉，用之王弗聽，負之斧

鉞以徇於諸侯，使言曰：「無或如齊慶封弑其君。」

崔杼弑莊公慶

封其黨，弱其孤，以盟其大夫。

崔杼立景公慶封為相盟國人於大宮曰所不與崔

慶封知不免於死故發楚之瑕

椒舉之凡



讀

此因靈王之稱  
一美遂以美字  
極言之絕好文  
字反正論疏意  
自互發

者慶封曰無或如楚共王之庶子圍弒其君兄之子麇  
圍將聘于鄭未出竟聞王有疾而還入問王疾繼而弒之使赴於諸侯應為後之詞曰共王之子圍為長  
而伐之以盟諸侯王使速殺之

○伍舉諫築章華臺國語

靈王為章華之臺築臺於章華之地與伍舉升焉曰臺美夫對

曰臣聞國君服寵以為美服寵以賢受寵服也安民以為樂聽德

以為聰致遠以為明不聞其以土木之崇高彫鏤為美

而以金石匏竹之昌大翬戾為樂不聞其以觀大視侈

淫色以為明而以察清濁為聰也先君莊王為匏居之

臺匏居臺名高不過望國氛大不過容宴豆木不妨守備用



韓評臣論內數  
問字本此周秦  
之文在後世為  
冊頭也

不煩宮府民不廢時務官不易朝常問誰宴焉則宋公

鄭伯問誰相禮則華元駟騑問誰贊事則陳侯蔡侯許

男頓子其大夫侍之各侍其君先君是以除亂克敵而無惡

於諸侯今君為此臺也國民罷焉財用盡焉年穀敗焉

百官煩焉舉國留治之數年乃成願得諸侯與始升焉

諸侯皆距無有至者而後使太宰啓疆請於魯侯懼之

以蜀之役啓疆致辭援前魚目公賂楚請盟事而僅得以來使富都那豎

贊焉富盛容也都閑也而使長鬣之士相焉臣不知其

美也夫美也者上下外內小大遠邇皆無害焉故曰美

若於目觀則美不尚德縮取於財用則匱是聚民利以自



封厚而瘠民也。胡美之為大君國未將見之與處民實

瘠矣。君安得肥。且夫私欲弘侈則德義鮮少。德義不行

則邇者騷離而遠者距違。天子之貴也唯其以公侯為

官正而以伯子男為師旅。其有美名也唯其施令德於

遠近而小大安之也。若歛民利以成其私欲使民蒿焉

也忘其安樂而有遠心。離畔其為惡也甚矣。安用目觀故

先王之為臺榭也。積土曰臺。榭無室曰榭。不過講軍實。臺不過望

氛祥。凶氣為氛。吉氣為祥。故榭度於大卒之居。大卒王士卒也。度其足以臨見之而

已臺度於臨觀之高。足以臨下觀上而已。其所不奪穡地。其為不

匱財用。其事不煩官業。其日不廢時務。瘠磽之地於是

二卷



乎為之取不城守之亦於是乎用之取其官寮之暇於

是乎臨之不廢四時之際於是乎成之不妨故周詩曰

經始靈臺經之營之庶民攻之不日成之經始勿亟庶

民子來夫為臺榭將以教民利也望氛祥而備災害講軍實而禦寇亂皆所

以利民也不知其以匱之也若君謂此臺美而為之正以為

正楚其殆矣

遠啓疆諫辱晉使左傳昭公五年

晉韓宣子起如楚送女叔向為介楚子雷朝其大夫曰

晉吾仇敵也苟得志焉無恤其他今其來者上卿上大

夫也若吾以韓起為閹使其足而以羊舌肸為司官去勢

家



以有備為一篇  
議論中間論彼  
戰之勢迷古今  
之情如明珠走  
徑圓融不滯

為奄足。以辱晉。吾亦得志矣。可乎。大夫莫對。遂啓疆曰。不

苟有其備。何故不可耻。匹夫不可以無備。况耻國乎。是

以聖王務行禮。不求耻人。朝聘有珪。執以享。煩有璋。執

行。小有述職。大有巡功。設机而不倚。爵盈而不飲。禮行

宴有好貨。以貨為好。殮有陪鼎。加鼎以入。有郊勞。出有贈賄。

禮之至也。國家之敗。失之此道也。則禍亂興。城濮之後。

晉無楚備。以敗於邲。晉恃勝而邲之後。楚無晉備。以敗

於鄢。楚恃勝而自鄢以來。晉不失備。而加之以禮重之。

以睦。是以楚弗能報。而求親焉。既獲姻親。又欲耻之。以

召之。讎備之若何。何以備。誰其重此。結怨無重於此。若有其人耻



整折

之可也。若其未有君，亦圖之。晉之事君，臣曰：可矣。求諸

侯而麋

群

至求昏而薦女。君親送之。

平公送女于邢上

上卿及

上大夫致之。猶欲耻之。君其亦有備矣。不然，奈何？韓起

之下，趙成中行，吳魏舒、范鞅、知盈、羊舌肸之下，祁午、張

趯、籍談、女齊、梁丙、張骼、輔櫜、苗賁、皇皆諸侯之選也。

凡非

韓襄為公族大夫，韓須受命而使矣。

須雖幼已任使事

箕襄

邢帶、叔禽、叔椒、子羽皆大家也。韓賦七邑。

韓襄至子羽凡七人

邑皆成縣也。

賦百乘

羊舌四族。

銅鞮伯華、叔向、叔魚、叔虎

皆疆家也。

人若喪韓起、楊肸。

肸食采於楊故云

五卿

趙成以下

八大夫

祁午、輔

韓須、楊石。

石叔向子食我也

因其十家九縣。

韓氏十羊舌氏四



以親易怨三司  
銷

後

也羊舌氏四家共  
二縣故云九縣  
長轂九百戎車九百乘其餘四十縣遺守

四千計餘守國者尚有四千乘奮其武怒以報其大耻伯華羊舌赤謀

之中行伯吳魏舒帥之其蔑不濟矣君將以親易怨實

無禮以速寇而未有其備使群臣往遺之禽為晉之俘以逞

君心何不可之有王曰不穀謙稱之過也太夫無辱厚為

韓子禮王欲赦難叔向以其所不知而不能亦厚其禮

申無宇諫外重左傳昭公十一年

楚子靈城陳蔡不羨陳蔡楚所滅不羨楚要地使棄疾為蔡公王問

於申無宇曰棄疾在蔡何如對曰擇子莫如父擇臣莫

如君鄭莊公城櫟而寘子元焉使昭公不立昭公子元也為厲公



歷引以見當戒  
并疾鄭州

所奪齊桓公城穀而真管仲焉。至于今賴之臣聞五大不

在邊五細不在庭。古人以五行建官鳥官亦有五蓋立官之本也以五官之長在邊恐據邑

以叛以五官之屬親不在外羈不在內今棄疾在外鄭

丹在內君其少戒王曰國有大城何如對曰鄭京櫟實

殺曼伯。檀伯也子元居櫟檀伯為邑大夫以宋蕭毫實

殺子游。宋萬弑閔公立子游羣公子奔蕭公子御說齊

渠丘實殺無知。渠丘雍廩邑也無知謀衛蒲戚實出獻

公。蒲甯殖邑也戚孫林父邑也獻公為一人所逐按外

子不得其位衛蒲戚實出獻公宋蕭蒙實殺昭公魯介

意亦異此若由是觀之則害於國末大必折。以木喻尾



卷八

大不掉以獸喻君所知也

鄭丹以詩諫左傳昭公十二年

楚子靈狩于州來次于乾谿楚圍徐故次以爲之援右尹子革夕

子革鄭丹也王與之語曰昔我先王熊繹楚始封君與呂伋

齊太公之王孫牟衛康叔之子禽父魯周公並

事康王四國皆有分寶我獨無有今吾使人於周求鼎

以爲分王其與我乎對曰與君王哉昔我先王熊繹辟

在荆山萆路以柴爲車藍縷弊衣以處草莽跋涉山林以事天

子唯是桃弧棘矢以共禦王事齊王舅也晉及魯衛王

母弟也楚是以無分而彼皆有今周與四國服事君王

楚子三問而子  
革三答皆述熊  
繹之事天子見  
靈王不能盡臣  
職以陵上也次  
言周不愛鼎鄭



敢愛田見靈王  
 上能陵于天子  
 則下亦能靈於  
 鄰國也末言四  
 國足畏而加之  
 楚見可畏之勢  
 不專在於楚也  
 詞嚴義正本自  
 了了楚靈不悟  
 固矣而析父亦  
 君未喻其意者  
 故又因王之出  
 之問而借析招  
 以諷之王雖不  
 能自克亦已晚  
 矣

將唯命是從。豈其愛田。王曰。昔我皇祖伯父昆吾。生陸終

六人。長曰昆吾。次曰季連。季連為楚遠祖。故以昆吾為伯父。舊許是宅。昆吾居許。今鄭人

貪賴其田。而不我與。我若求之。其與我乎。對曰。與君王

哉。周不愛田。鄭敢愛田。王曰。昔諸侯遠我而畏晉。事晉不事

楚。今我大城陳蔡。不羨賦。皆千乘子。與有勞焉。諸侯其

畏我乎。對曰。畏君王哉。是四國者。陳蔡二。專固足畏也。

又加之以楚。敢不畏君王哉。工尹路請曰。君王命剥圭

以為鍼。秘破圭玉以飾斧鉞。敢請王命。王與丹時。王入視之。

析父謂子革。吾子。楚國之望也。今與王言如響。國其若

之何。子革曰。摩厲以須。王出。吾亦將斬矣。以已喻鋒刃。欲除君患。



王出復語左史倚相趨過王曰是良史也子善視之是

能讀三墳

伏羲神農黃帝之書

五典

少昊顓頊高辛唐虞之書

八索

八卦九丘九州

志對曰臣嘗問焉昔穆王欲肆其心周行天下將皆必

有車轍馬跡焉祭公謀父作祈招之詩

祈父司馬之官招其名祭公諫

遊行故借此以作詩

以止王心王是以獲沒於祗宮

終考臣問其詩

而不知也若問遠焉其焉能知之王曰子能乎對曰能

其詩曰祈招之愔愔

安和貌

式昭德音思我王度式如玉

式如金形民之力而無醉飽之心

此逸詩

王揖而入饋不

食寢不寐數日不能自克以及於難

為棄疾所逼

仲尼

曰古也有志克已復禮仁也信善哉楚靈王若能如是

楚子及難子章  
祈招之諷于是



有驗而申無字  
之諫信亦不評

已矣  
矣

豈其辱於乾谿

○子張驟諫 國語

靈王虐白公子張驟諫王患之謂史老子曰吾欲已子

張之諫若何對曰用之實難已之易矣若諫君則曰余

左執鬼中右執殤宮中身也天死曰殤殤宮殤之居也執謂把其錄籍制服其身知其居

處凡百箴諫吾盡聞之矣寧聞它言白公又諫王如史

老之言對曰昔殷武丁能聳敬其德至于神明夢傳以

入于河遷河內自河徂亳於是乎三年默以思道卿士患

之曰王言以出令也若不言是無所稟令也武丁於是

作書曰以余正四方余恐德之不類善茲故不言如是



而又使以象夢求四方之賢聖得傳說以來并以為公  
而使朝夕規諫曰若金用女作礪若津水用女作舟若  
太旱用女作霖雨啓乃心沃朕心若藥不瞑眩厥疾不  
瘳若跣不視地厥足用傷若武丁之神明也其聖之獻  
廣也其知之不疚也猶自謂未久治故三年默以思道  
既得道猶不敢專制使以象旁求聖人既得以為輔又  
恐其荒失遺忘故使朝夕規誨箴諫曰必交修余無余  
棄也今君或者未及武丁而惡規諫者不亦難乎齊桓  
晉文皆非嗣也皆庶子還軫諸侯不敢淫逸心類善德音  
以得有國近臣諫遠臣謗與人誦以自誥也是以其入



也四封不備一同

不滿百里

而至於有畿田

方千里

以屬諸侯

至于今為令君

桓文皆然君不度憂於二令君而欲自

逸也無乃不可乎周詩有之曰弗躬弗親庶民弗信臣

懼民之不信君也故不敢不言不然何急其以言取辜

也王病之曰子復語不穀雖不能用吾愁

願

寘之於耳

對曰賴君之用也故言不然巴浦之犀犛兕象其可盡

乎其又以規為瑱也

瑱所以塞耳言四獸之牙角可以為瑱也

遂趨而退歸

杜門不出七月乃有乾谿之亂靈王死之

公子申諫害吳

左傳昭公三十年

吳子使徐人執掩餘使鍾吾人執燭庸

闔廬弑吳王僚公子掩餘奔余



公子燹庸奔鍾吾今使執之

二公子奔楚楚子昭

大封而定其徙

以

也害吳子西申

諫曰吳光新得國而親其民視民如子辛

苦同之將用之也若好吳邊疆使柔服焉猶懼其至吾

又疆其讎

公子封二以重怒之無乃不可乎吳周之冑裔也

而棄在海濱不與姬通今而始大比于諸華光又甚文

將自同於先王

太王王季亦自西戎始比諸華

不知天將以為靈乎使

翦喪吳國而封大異姓乎其抑亦將卒以祚吳乎其終

不遠矣

其可占知

我盍姑億吾鬼神

其使安享

而寧吾族姓

以待其歸

其善惡

將焉用自播揚焉王弗聽吳子怒執鍾

吾子遂滅徐



○ 七 案

○ 吳

伍員諫乎越

左傳哀公元年

國語

吳王夫差敗越于夫椒報檣李也

先是越敗吳于檣李闔廬傷而死

遂

入越越子

踐句

以甲楯五千保于會稽使大夫種因吳大

宰嚭以行成吳子將許之伍員曰不可臣聞之樹德莫

如滋去疾莫如盡昔有過澆殺斟灌以伐斟鄩

澆寒浞子封于

過二斟夏同姓諸侯

滅夏后相

相失國依於二斟復滅於澆

后緡

相妻

方娘逃出

自竇歸于有仍生少康焉為仍牧正其

毒

澆能戒之

有備

使椒求之逃奔有虞為之庖正以除其害

賴以得免於害虞

於是妻之以二姚邑諸綸有田一成

方十里

有衆一旅



讀左氏每讀一  
篇先要看他印  
證精神處

五百人 能布其德而兆始其謀以收夏衆撫其官職使女

艾謀澆

侯其

使季杼誘豷

季杼少康子豷澆之弟也封於戈

遂滅過戈

復禹之績祀夏配天不失舊物今吳不如過而越大於

少康或將豐之

與越成使其豐大

不亦難乎句踐能親而務施

施不失人親不棄勞與我同壤而世爲仇讎於是乎克

而弗取將又存之違天而長寇讐後雖悔之不可食已

消而止

姬之衰也日可俟也介在蠻夷而長寇讐以是

求伯必不行矣弗聽退而告人曰越十年生聚而十年

教訓二十年之外吳其爲沼乎

傳

吳王告諸大夫曰孤將有大志於齊將許越成而無拂



吾慮若越既改吾又何求若其不改反行吾振旅焉齊伐

反振旅而討之

申胥諫曰不可許也夫越非實忠心好吳也又

非懾畏吾甲兵之疆也大夫種勇而善謀將還玩吳國

於股掌之上以得其志夫固知君王之蓋尚威以好勝

也故婉約其辭以從逸王志使淫樂於諸夏之國以自

傷也使吾甲兵鈍弊民人離落而日以憔悴然後安受

吾燼夫越王好信以愛民四方歸之年穀時熟日長炎

災及吾猶可以戰也為虺弗摧為蛇將若何蛇虺小吳王

曰大夫奚隆於越曾足以為大虞乎若無越則吾何以

春秋曜吾軍士乃許之成語



○伍員諫遺越患

左傳哀公十一年

吳將伐齊。越子率其衆以朝焉。王及列士皆有饋賂。吳人皆喜。唯子胥懼曰：「是秦、吳也。」夫秦養也。若養穢牲然。諫曰：「越在我心腹之疾也。壤地同而有欲於我。」吳欲得夫其柔服求濟其欲也。不如早從事焉。得志於齊，猶獲石田也。無所用之。耕不可越不爲沼，吳其泯矣。反受其害使醫除疾而曰：「必遺類焉者，未之有也。」盤庚之誥曰：「其有顛越不共，則劓殄無遺育，無裨易種于茲邑。」是商所以興也。今君易之。反商之道。留將以求大，不亦難乎。弗聽。使於齊，屬其子於鮑氏，爲王孫氏。



申胥諫伐齊

國語

予胥申胥可謂  
極諫矣指示心  
隨竟不能入

吳王大戒師徒將以伐齊申胥進諫曰昔天以越賜吳

而王弗受夫天命有反謂盛者更衰今越王句踐恐懼

而改其謀舍其愆令舉無過輕其征賦施民所善去民所

惡身自約也裕其衆庶其民殷衆以多甲兵譬越之在

吳也猶人之有腹心之疾也夫越王之不忘敗具於其

心也戚然服士以伺吾間今王非越是圖而齊魯以為

憂夫齊魯譬諸疾疥癬也豈能涉江淮而與我爭此地

哉將必越實有吳土王盍亦鑑於人無鑑於水鑑人見

水見形昔楚靈王不君其臣箴諫以不入乃築臺於章

而已



華之上闕為石郭陂漢以象帝舜舜堊九疑其山体水

使旋石郭罷弊楚國以間陳蔡伺陳蔡之不修方城之

內踰諸夏而圖東國徐夷吳越也三歲於沮汾以服吳越其

民不忍饑勞之殃三軍叛王於乾谿王親獨行屏營傍

徨於山林之中三日乃見其消人疇王呼之曰余不食

三日矣疇趨而進王枕其股以寢於地王寐疇枕王以

璞而去之王覺而無見也乃匍匐將入棘闥不納乃入

芋尹申亥氏焉王縊申亥負王以歸而土埋之其室以

女殉此志也豈遽忘於諸侯之耳乎今王既變鮌禹之

功而高高下下起臺榭以罷民於姑蘇天奪吾食都鄙

沐楚靈之禍見  
王勞民與楚同  
也



荐饑今王將狼天而伐齊夫吳民離矣體有所傾譬如  
 群獸然一个負矢將百群皆奔喻吳民就戰或小有王  
 其無方收也方道也收還也言無歸路越人必來襲我王雖悔之其  
 猶有及乎王弗聽遂伐齊齊人與戰于艾陵齊師敗績

○越

范蠡諫伐吳國語

二句為大總領  
 後三段實此

越王勾踐欲伐吳范蠡進諫曰夫國家之事有持盈有  
 定傾有節事王曰為三者柰何范蠡對曰持盈者與天  
法天定傾者與人心順人節事者與地因地王不問蠡不  
 敢言天道盈而不溢盛而不驕勞而不矜其功夫聖人



愈更有節義

隨時以行是謂守時。天時不作。災變之應弗為人客。伐者人

事不起。畔逆之萌弗為之始。先動今君王未盈而溢，未盛而驕。

不勞而矜其功，天時不作而先為人客。吳未有災而欲伐之人事

不起而創為之始，此逆於天而不和於人。王若行之，將

妨於國家。損王躬身，王弗聽。范蠡進諫曰：夫勇者逆

德也，兵者凶器也，爭者事之末也。言賢者先修陰謀，逆德而後用武。

德好用，凶器始與人者，人之所卒也。始害人終淫佚之亦害於人。

事上帝之禁也，先行此者不利。王曰：無是貳言也。謂陰謀淫

洪吾已斷之矣。果興師而伐吳，戰於五湖，不勝，棲於會

稽。王召范蠡而問焉，曰：吾不用子之言，以至於此，為之



應前有序奏

柰何范蠡對曰君王其忘之乎持盈者與天定傾者與

人節事者與地王曰與人柰何在傾危故范蠡對曰卑

辭尊禮以此玩好寶珍女樂謂士女女於士大夫女女於大夫尊之以名

稱為如此不已又身與之市謂委管籥屬國王曰諾乃

令大夫種行成於吳曰請士女女於士大夫女女於大

夫隨之以國家之重器吳人不許大夫種來而復往曰

請委管籥取鍵屬國家以身隨之君王制之吳人許諾

王曰蠡為我守於國范蠡對曰四封之內百姓之事蠡

不如種也四封之外敵國之制立斷之事種亦不如蠡

也王曰諾令大夫種守於國與范蠡入宦於吳三年而



應前有節奏

吳人遣之歸反至於國王問於范蠡曰節事奈何欲更

范蠡對曰節事者與地唯地能包萬物以為一其事不

失不失生萬物容畜禽獸然後受其名生物之功而兼其利

萬物終歸於地美惡皆成以養生美惡各有所宜時不至不可疆生事

不究窮不可疆成窮則變生可因而成也自若以處居之自如無妄動以

度天下待其來者而正之因時之所宜而定之同男女

之功農穡絲枲除民之害以避天殃田野闢府倉實民衆殷

無曠其衆以為亂梯時將有反事將有間天時還則昨在越而吳有

隙必有以知天地之恒制乃可以有天下之成利事無

間時無反則撫民保教以須之王與蠡謀之十年而後伐之

王與蠡謀之十年而後伐之



范蠡諫戰吳 國語

此文古雅如商  
彝周鼎變幼如  
風飄雨驟豈曰  
極兵之情亦極  
文之體矣

興師伐吳至於五湖吳人聞之出挑戰一日五反王弗  
 忍欲許之范蠡進諫曰謀之廊廟失之中原其可乎王  
 姑勿許臣聞之得時無怠時不再來天子不取反為之  
 災羸縮轉化後將悔之天節固然唯謀不遷王曰諾弗  
 許范蠡曰臣聞古之善用兵者羸縮以為常有進退四時  
 以為紀有變易無過天極天道所至究數而止天道皇皇日月  
 以為常縣象著明明者以為法微者則是行明謂日月盛滿時也微謂虧損  
 薄蝕也法其明以進取行其微以隱遁陽至而陰陰至而陽至極也日困窮  
 而還月盈而匡虧古之善用兵者因天地之常與之俱



行隨其轉運虧後則用陰後動則沈先則用陽先動則

厲盈晦明之常近則用柔敵近則遠則用剛抗威隔後無陰敵靜

先無陽察太顯用人無藝往從其所藝射的也無藝無

不豫設也剛強以禦陽節不盡不死其野敵以剛強求禦已

可克彼來從我固守弗與戰不輕若將與之必因天地之災

又觀其民之飢飽勞逸以參之盡其陽節盈吾陰節而

奪之勢常宜為人客剛強而力疾陽節不盡輕而不可

取先動宜為人主安徐而重固陰節不盡柔而不可迫

者後動凡陳之道設右以為牝益左以為牡陳有牝牡使

陽為牝在蚤晏無失必順天道周旋無究窮今其來也剛

剛強力疾一句  
印證譬象樂騰  
沸忽然擊致萬



有收聲

三卷

強而力疾

言吳陽勢未盡未可擊

王姑待之王曰諾弗與戰居軍

三年吳師自潰

范蠡諫平吳 國語

吳王帥其賢良

親與其重祿

臣大以上姑蘇使王孫雄行

成於越曰昔者上天降禍於吳得罪於會稽今君王其

圖不穀不穀請復會稽之和王弗忍欲許之范蠡進諫

曰臣聞之聖人之功時為之庸

因天時以為用得時弗成天有

還形天節不遠五年復反

再五歲

小凶則近大凶則遠

危敗大謂死滅近五年遠十年或二十年

先人有言曰伐柯者其則不遠今

君王不斷其忘會稽之事乎王曰諾不許使者往而復



來辭俞卑禮俞尊主又欲許之范蠡諫曰孰使我蚤朝  
而晏罷者非吳乎與我爭三江五湖之利者非吳乎夫  
十年謀之一朝而棄之其可乎王姑勿許其事將易冀  
已言易望也遂滅吳

左粹類纂卷之二



齊東野語卷之二







